

巴陵縣志洞庭集上編詩

南朝陳

陰鏗

王申志按南史陰鏗嘗為湘東王法曹行參軍詩蓋作於其時

渡青草湖

一作吳均詩

洞庭春溜滿平湖錦帆張源水桃花色湘流杜若香穴去茅山近江連巫峽長帶天澄迥碧映日動浮光行舟逗遠樹度鳥息危檣滔滔不可測一葦詎能杭

唐

宋之問

王申志按之問中宗時坐張易之黨流瀧州逃歸當經岳州後又以罪流嶺南死未知詩作於何時

洞庭湖

巴陵縣志

卷之六十四

洞庭集上編

詩

一

地盡天水合朝及洞庭湖初日當中涌莫辨東西隅晶耀目何在滢熒心欲無靈光晏海若游氣耿天吳張樂軒皇至征苗夏禹徂楚臣悲落葉堯女泣蒼梧野積九江潤山通五嶽圖風恬魚自躍雲夕鴈相呼獨此臨泛漾浩將人代殊永言洗氛濁卒歲為清娛要使功成退徒勞越大夫

張說

岳州刺史

遊洞庭湖

緬邈洞庭山蔥蒙水霧色宛在太湖中可望不可即剖竹守窮渚開門對奇域城池自縈籠纓綬為徽纒靡日不思往經時始願克飛棹越溟波維舟恣攀陟窳窳入雲步崎嶇倚松息巖檀



有鶴過壁字無人識滴石香乳溜垂崖露草植玩幽輕霧阻討
異忘曛逼寒沙際水平霜樹籠煙直空宮聞莫覩地道窺難測
此處學金丹何人生羽翼誰傳九光要幾拜三仙職紫氣徒想
像清潭長渺默霓裳若有來覲我雲峯側

送梁六

紀事作張均題云送梁六自洞庭山作

巴陵一望洞庭秋日見孤峯水上浮聞道神仙不可接心隨湖
水共悠悠

和尹從事悉泛洞庭

平湖一望水連天秋景千尋下洞泉忽驚水上江華滿疑是乘
舟到日邊

巴陵縣志

卷之六十四

洞庭集上編

詩

二

遊洞庭湖

平湖曉望分仙嶠氣氤氳鼓枻乘清渚尋峯弄白雲江寒天一
色日靜水重紋樹坐參猿嘯沙行入鷺羣緣源斑篠密冒徑綠
蘿紛洞穴傳虛應楓林覺白薰雙童有靈藥願取獻明君

尹悉

唐詩紀事尹悉開元時張燕公從事官補闕

同燕公泛洞庭

風光浙浙草中飄日彩熒熒水上搖幸奏瀟湘雲壑意山傍容
與動仙橈

孟浩然

王申志按新唐書孟浩然傳張九齡為荊州辟置於府蓋浩然偶遊岳陽遇曲江上此詩後遂辟之或以丞相為燕公殆非也閻朝隱亦為荊府從事寄閻九者是也

臨洞庭上張丞相

八月湖水平涵虛混太清氣蒸雲夢澤波撼岳陽城欲濟無舟楫端居恥聖明坐觀垂釣者徒有羨魚情

洞庭湖寄闔九

洞庭秋正濶予欲泛歸船莫辨荆吳地惟餘水共天渺瀰江樹沒合沓海潮連遲爾為舟楫相將濟巨川

賈至

唐書賈至肅宗時自中書舍人貶岳州司馬後復官至京兆尹右散騎常侍卒

初至巴陵與李十二白裴九同泛洞庭湖三首

王士禛志按太白以承

王士禛事長流夜郎遇赦還尋陽其在巴陵與賈公遊蓋赦還時也裴九當即裴侍御使桂陽者未詳其名李詩有答裴侍御先行至石頭驛以詩見招期月滿泛洞庭李先在武昌後至不及月滿之期此當為補遊也又按

巴陵縣志

卷之六十四

洞庭集上編

詩

三

唐詩紀事載裴迪與王維崔興宗俱居終南後為蜀州刺史云云不言為侍御及巴陵事未知即其人否

江上相逢皆舊遊湘山永望不堪愁明月秋風洞庭水孤鴻落葉一扁舟

楓岸紛紛落葉多洞庭秋水晚來波乘興輕舟無近遠白雲明月弔湘娥

江畔楓葉初帶霜渚邊菊花亦已黃輕舟落日興不盡三湘五湖意何長

洞庭送李十二赴零陵

今日相逢落葉前洞庭秋水遠連天共說京華舊遊處回看北斗欲潛然

李白蜀人翰
林供奉

荊州賊平臨洞庭言懷

修蛇橫洞庭吞象臨海島積骨成巴陵遺言聞楚老水窟三苗
國地窄三湘道歲晏天崢嶸時危人枯槁思歸阻喪亂去國傷
懷抱郢路方邱墟章華亦顛倒風悲猿嘯苦木落鴻飛早日隱
西赤沙月明東城草關河望已絕氛霧行當掃長叫天可聞吾
將問蒼昊

秋望洞庭

清晨登巴陵周覽無不極明湖映天光徹底見秋色秋色何蒼
然際海俱澄鮮山青滅遠樹水綠無寒煙來帆出江中去鳥向
巴陵縣志卷之六十四洞庭集上編詩四
日邊風清長沙浦霜空雲夢田瞻光惜頽髮閱水悲徂年北渚
既蕩漾東流自潺湲郢人唱白雪越女歌采蓮聽此更腸斷憑
崖淚如泉

洞庭湖

日晚湘水綠孤舟無端倪明湖漲秋月獨泛巴陵西偶憇裴逸
人巖居凌丹梯抱琴出深竹爲我彈鷓鴣曲盡酒亦傾北窗醉
如泥人生且行樂何必組與圭王申志按裴逸人當卽裴隱李
白集謂卽裴侍御非也裴逸人
蓋隱居巴陵西山而善琴太白
泛湖從之飲酒其高風可想矣

九日登巴陵望洞庭

九日天氣清登高無秋雲造化闢山嶽了然楚漢分長風鼓橫

波合沓蹙龍文憶昔傳遊豫樓船壯橫汾今茲討鯨鯢旌旆何
續紛白羽落酒樽洞庭羅二軍黃花不掇手戰鼓遙相聞劍舞
轉頽陽當時日停曛酣歌激壯士可以摧妖氛齷齪東籬下淵
明不足羣

答裴侍御先行至石頭驛以書見招期月滿泛洞庭

君至石頭驛寄書黃鶴樓開緘識遠意速此南行舟風水無定
準湍波或滯留憶昨新月生西簷若瓊鉤今來何所似破鏡懸
清秋恨不三五明平湖泛澄流此歡竟莫遂狂殺王子猷巴陵
定遙遠持贈解人憂

陪族叔刑部侍郎曄及中書舍人至遊洞庭五首

巴陵縣志

卷之六十四

洞庭集上編

詩

五

洞庭西望楚江分水盡南天不見雲日落長沙秋色遠不知何
處弔湘君

帝子瀟湘去不還空餘草色洞庭閒淡埽明湖開玉鏡丹青畫
出是君山

洛陽才子謫湘川元禮同舟月下仙記得長安還欲笑不知何
處是西天

南湖秋水夜無煙耐可乘流直上天且就洞庭賒月色將船買
酒白雲邊

洞庭湖西秋月輝瀟湘江北早鴻飛醉客滿船歌白紵不知霜
露入秋衣

陪侍郎叔遊洞庭醉後三首

今日竹林宴我家賢侍郎三杯容小阮醉後發清狂
船上齊橈樂湖心泛月歸白鷗閒不住爭拂酒筵飛
剗卻君山好平鋪湘水流巴陵無限酒醉殺洞庭秋

洞庭醉後送絳州呂使君果流澧州

昔別若夢中天涯忽相逢洞庭破秋月縱酒開愁容贈劍刻玉
字延平兩蛟龍送君不盡意書及鴈迴峯

杜甫

襄陽人工部員外郎

過南嶽入洞庭湖

王申志按題過字疑適字之誤

洪波忽爭道岸轉異江湖鄂渚分雲樹衡山引舳艫翠牙穿裊

巴陵縣志

卷之六十四

洞庭集上編

詩

六

槩碧節上寒蒲病渴身何去春生力更無壤童犁雨雪漁屋架
泥塗欹側風帆滿微冥水驛孤悠悠迴赤壁浩浩略蒼梧帝子
畱遺恨曹公屈壯圖聖朝光御極殘孽駐艱虞才淑隨廝養名
賢隱鍛鑪邵平原入漢張翰後歸吳莫誤啼痕數危檣逐夜烏
過洞庭

蛟室圍青草龍堆擁白沙護隄盤古木迎棹舞神鴉破浪南風
正回檣畏日斜湖光與天遠直欲泛靈槎

宿青草湖

洞庭猶在日青草續為名宿槩依農事郵籤報水程寒冰爭倚
薄雲月遞微明湖鴈雙雙起人來故北征

張謂

字正言河南人天寶進士大歷閒為禮部侍郎

湘中有懷

紀事題作同王徵君湘中有懷又云謂登天寶二年進士奉使長沙風土記蓋以是時

至洞庭

八月洞庭秋瀟湘水北流還家萬里夢為客五更愁不用開書

帙偏宜上酒樓故人京洛滿何日復同遊

劉長卿

紀事劉長卿字文房舉進士歷監察御史以檢校祠部員外郎為轉運雷後故其詩有巡至岳陽卻歸鄂

州使院之作

初至洞庭懷灞陵別業

長安邈千里月夕懷雙闕已是洞庭人猶看灞陵月誰堪去鄉

意親戚想天末昨夜夢中歸煙波覺來闊江皋見芳草孤客心

巴陵縣志

卷之六十四

洞庭集上編

詩

七

欲絕豈訝青春來但傷經時別長天不可望鳥與浮雲沒

岳陽館中望洞庭湖

萬古巴邱戍平湖此望長向人何淼淼愁暮更蒼蒼疊浪浮元

氣中流沒太陽孤舟有歸客早晚達瀟湘

赤沙湖

茫茫葭菼外一望一霑衣秋水連天闊沔陽何處歸沙鷗積暮

雪川日動寒暉楚客來相問孤舟泊釣磯

李端

唐書端趙州人登進士授校書郎後移疾江南終杭州司馬其至岳無考

宿洞庭

白水連天暮洪波帶日流風高雲夢夕月滿洞庭秋沙上漁人

火煙中賈客舟西園與南浦萬里共悠悠

劉禹錫

唐書禹錫擢進士第歷監察御史坐王叔文黨貶連州刺史未至斥朗州司馬此詩朗州所作也

洞庭秋月行

洞庭秋月生湖心層波萬頃如鎔金孤輪徐轉光不定遊氣濛濛隔寒鏡是時白露三秋中平湖月上天地空岳陽城頭暮角絕蕩漾已過君山東山城蒼蒼夜寂寂水月逶迤繞城白蕩槩巴童歌竹枝連檣估客吹羌笛勢高夜久陰力全爽氣肅肅開星躔浮雲夜鳥啼四裔首冠星斗當中天天雞相呼曙霞出斂影含光讓朝日日出喧喧人不閒夜來清景非人間

望洞庭

巴陵縣志

卷之六十四

洞庭集上編

詩

八

湖光秋月兩相和潭面無風鏡未磨遙望洞庭山水翠白銀盤裏一青螺

白居易

太原人刑部尚書

自蜀江至洞庭湖口有感而作

江從西南來浩浩無旦夕長波逐若瀉連山鑿如劈千年不壅潰萬姓無墊溺不爾民爲魚大哉禹之績導岷旣艱遠距海無咫尺胡爲不訖功湖水斯委積洞庭與青草大小兩相敵混合萬丈深森茫千里白每歲秋夏時浩大吞七澤水族窟穴多農人土地窄我今尙嗟歎禹豈不愛惜邈未究其由想古觀遺蹟疑此苗人頑恃險不終役帝亦無柰何畱患與今昔水流天地

內如身有血脈滯則爲疽疣治之在鍼石安得禹復生爲唐水
官伯手提倚天劍重來親指畫疏河似翦紙決壅如裂帛滲作
膏腴田踴平魚鼈宅龍宮變閭里水府生禾麥坐添百萬戶書
我司徒籍王申志按唐書本傳自江州司馬徙忠州刺史入爲
主客郎中知制誥此自蜀江至洞庭湖口蓋還朝時
也洞庭詩人過者皆詫爲大觀或言其渡湖之險而已樂天
夙心民瘼獨始言水害然九江之滙形勢自然唐時必未至
如今代之盛漲而樂天以爲禹績之不終其意必有疏決之
策若後人患水之占地而湖南之堤垸以興則非樂天之志
矣

韓愈

南陽人吏部侍郎

洞庭湖阻風贈張十一署

十月陰氣盛北風無時休蒼茫洞庭岸與子維雙舟霧雨晦爭

巴陵縣志

卷之六十四

洞庭集上編

詩

九

泄波濤怒相投雞犬斷四聽糧絕誰與謀相去不容步險如礙
山邱清談可以飽夢想接無由男女喧左右啼飢但啾啾非懷
北歸興何用勝羈愁雲外有白日寒光自悠悠能令暫開霽過
是吾無求王申志按公後祭張署文云阻風太湖七日鹿角卽
此詩事也舊志載避風港以爲鹿角射虹港此水漲
時泊船處韓公十月
阻風自在外岸耳
元稹唐書本傳初由監察御史貶江
陵土曹參軍蓋其時往來經此

洞庭湖

人生除泛海便到洞庭波駕浪沈西日吞空接曙河虞巡竟安
在軒樂詎曾過唯有君山下狂風萬古多

李商隱

字義山懷州人開成閒進士仕至檢校工部郎中與温庭筠段成式號三十六體

洞庭魚

洞庭魚可拾不假更垂罾
鬧若雨前蟻多于秋後蠅
豈思鱗作簞仍計腹為
鐙浩蕩天池路翱翔欲化鵬

朱慶餘

紀事慶餘名可久以字行登寶曆進士第

過洞庭

帆挂狂風起茫茫大猛時
波濤如未息舟楫亦堪疑
遠鴈投孤島長天下四維
前程有平處誰敢與心期

與龐復言攜酒望洞庭

南湖春色通平遠貪記詩
情忘酒杯帆自巴陵山下
過雨從神女峽邊來青蒲
映水疏還密白鳥翻空去
復回盡日與君同看

巴陵縣志

卷之六十四

洞庭集上編

詩

十

望了然勝見畫屏開

馬戴

紀事不詳其人明皇甫子循論唐人五律推猿啼洞庭樹一聯為第一以其韻高也

夜入湘中

洞庭人夜到孤棹入湘中
露洗寒山徧波搖楚月空
密林飛暗狖廣澤發鳴鴻
行旅揚帆者江分又不同

李頻

唐書頻睦州人擢進士終建州刺史劉山人隱於君山者君山多名道士山人從學道術者也

湖口送友人

中流欲暮見湘煙葦岸無窮
接楚天去鴈遠衝雲夢雪
離人獨上洞庭船風波盡日
依山轉星漢通霄向水連
零落梅花過殘臘故園歸去
又新年

李羣玉

紀事羣玉字文山澧州人裴休觀察湖南厚延致之及爲相以詩論薦授校書郎

洞庭遇秋

塵愁老朱顏久與江山隔迢遙澄湖上洗眼見秋色涼波弄輕
權湘月生遠碧未減遙客情西望杳何極

湖中古愁三首

涼風西海來直渡洞庭水脩脩木葉下白浪連天起蘅蘭委皓
雪百草一時死摧殘負志人感歎何時已

昔我觀雲夢窮秋經汨羅靈均竟不返怨氣成微波奠桂開古
祠朦朧入幽蘿落日瀟湘上淒涼吟九歌

南雲哭重華水死悲二女天邊九點黛白骨迷處所朦朧波上

巴陵縣志

卷之六十四

洞庭集上編

詩

十一

瑟清夜降北渚萬古一雙魂飄飄在烟雨

湖闊

楚色籠秋草秋風洗洞庭夕霏生水寺初月落雲汀棹響來空
闊漁歌去杳冥欲浮東下艇一到斗牛星

洞庭乾二首

借問蓬萊水誰逢清淺年傷心雲夢澤歲歲作桑田
珠宮紫貝闕一旦作沙洲八月還平在魚蝦不用愁

張泌

淮南人

洞庭阻風

空江浩蕩景蕭然盡日菰蒲泊釣船青草浪高三月渡綠楊花

撲一谿煙情多莫舉傷春目愁極兼無買酒錢猶有漁人數家住不成村落夕陽邊

秋晚過洞庭

征帆高挂酒初酣暮景離情兩不堪千里晚霞雲夢北一洲霜橘洞庭南谿風送雨過秋寺礪石驚泉落夜潭漫把羈魂弔湘魄九疑愁絕鎖煙嵐

殷堯藩

紀事堯藩元和九年登第初從李翱長沙幕府後以侍御官江南

夜過洞庭

笙歌只解鬧花天誰是敲冰棹小船爲覓瀟湘幽隱處夜深載月聽鳴泉

巴陵縣志

卷之六十四

洞庭集上編

詩

三

鮑溶

紀事溶登元和進士第與韓愈李正封孟郊友善

周先生畫洞庭歌

江南客水爲鄉舟爲宅能以筆鋒知地脈閒分楚水入丹青不下此堂臨洞庭水紋不浪煙不動木末稜稜山碧重帝子應哀窈窕雲客人似得嬋娟夢六月火光衣上生齋心寂聽潺湲聲林冰搖鏡水拂簟盡日獨臥秋風清因遊洞庭不出戶疑君知有長生路玉壺先生在何處

曹鄴

紀事鄴字業之大中進士唐末以祠部郎中知洋州

旅次岳陽寄京中親故

君山南面浪連天一客愁心兩處懸身逐片帆歸楚澤魂隨流

水向秦川月回浦北干尋雪樹出湖東幾點煙更欲登樓向西望北風催上洞庭船

周賀紀事僧清塞傳云師東洛人姓周只少從浮圖法遇姚合而返初易名賀與賈長沙江無可齊名王申志按此詩云一官成白首萬里寄滄洲蓋賀亦如賈島還俗登第曾官岳州也

秋宿洞庭

洞庭初下葉旅客不勝愁明月天涯夜青山江上秋一官成白首萬里寄滄洲只被浮名繫甯無愧海鷗

曹松紀事松字夢徵舒州人天復初與王希羽劉象柯崇鄭希顏等同及第時號五老榜

岳陽晚泊

輕帆下闊流便泊此沙洲湖影撼山朵日陽燒野愁白波爭起

巴陵縣志卷之六十四洞庭集上編詩 三

倒青嶼或沈浮是際船中望東南仍仍秋

洞庭湖

東西南北各連空波上唯留小朵峯長與岳陽翻鼓角不離雲夢轉魚龍吸迴日月過千頃鋪盡星河賸一重直到劫餘還作陸是時應有羽人逢

唐温如

過洞庭

西風吹老洞庭波一夜湘君白髮多醉後不知天在水滿船清夢壓星河

李嶼

過洞庭紀事載此詩不詳其人

浩渺注橫流千潭合萬湫半泓浸楚翼一汊屬吳頭動軸當新
霽漫空正仲秋勢翻荆口迤聲擁岳陽浮遠脈滋衡嶽微涼散
橘洲星辰連影動嵐氣逐隅收漸落分行鴈旋添趁伴舟昇騰
人莫測安穩路何憂氣與塵中別言堪象外搽此身如羸了來
把一竿休

姚合紀事姚合宰相崇曾孫元和進士第調武功主簿世號姚武功後歷戶部郎荆杭二州刺史陝虢觀察使終秘書

書監

中秋夜洞庭圓月

素月閑秋景騷人汎洞庭滄波正澄霽涼葉未凋零練彩凝葭

巴陵縣志卷之六十四洞庭集上編詩 十四

蒹霜容靜杳冥曉樓河畔鶴宵映渚邊螢圓彩含珠魄微颺發

桂馨誰憐採蘋客此夜宿孤汀

來鵠紀事鵠豫章人師韓柳為文大中咸通間聲價藉甚按詩中洞庭未定是在岳州者以舊志所登姑仍之

洞庭隱

高臥洞庭三十春芰荷香裏獨垂綸莫嫌無事閒銷日有事始

憐無事人

許棠紀事棠字文化宣州人咸通十二年進士第有洞庭詩為工時號許洞庭又云棠洞庭詩有四顧疑無地中流

忽有山人以題扇

洞庭

驚波常不定半日鬢堪斑四顧疑無地中流忽有山鳥高恆畏

墜帆遠卻如閒漁父前相引時歌浩渺間

韓渥

洞庭玩月

洞庭湖上清秋月月皎湖寬萬頃霜玉椀深沈潭底白金杯細
碎浪頭光寒驚烏鵲離巢噪冷射蛟螭換窟藏更憶瑤臺逢此
夜水晶宮殿挹瓊漿

裴說

遊洞庭湖

楚雲團翠八百里澧蘭吹香墮春水白頭漁子搖蒼煙鷓鴣眠
沙曉驚起沙頭龍叟夜歎憂鐵笛未響春風羞露寒紫藟結新

巴陵縣志

卷之六十四

洞庭集上編

詩

五

愁城角泣斷關河秋謫仙欲識雷斧手剗卻古今愁共醜鯨遊
碧落杳無蹤作詩三歎君知否瀛洲一棹何時還滿江宮錦看
湖山

過洞庭湖

浪高風力大挂席亦言遲及到堪憂處爭如未濟時魚龍侵莫
測雷雨動須疑此際情無賴何門寄所思

鄭雲叟

宿洞庭

紀事載此詩
稱鄭徵君

月到君山酒半醒朗吟疑有水仙聽無人識我真閑事贏得高
秋看洞庭

釋皎然

紀事皎然姓謝字清畫吳興人靈運十世孫居杼山顏真卿為刺史集文士撰韻海皎然預其論著

送維諒上人歸洞庭

從來湖上勝人間遠愛浮雲獨自還孤月空天見心地寥寥一

水鏡中山

釋齊己

紀事齊己本姓胡名得生詩名多湖湘間陶岳史補齊己益陽人瀉山同慶寺佃戶胡氏子也七歲為寺僧牧牛以竹枝畫牛背為詩僧奇之勸令出家與仰山同門項有瘦癯時謂詩囊

懷洞庭

憶過巴陵歲無人問去畱中宵滿湖月獨自在僧樓漁父真閒

唱靈均是謾愁今來欲長往誰借木蘭舟

釋虛中

紀事虛中宜春人遊瀟湘山水與齊己尚顏樓禪為詩友

巴陵縣志

卷之六十四

洞庭集上編

詩

六

泊洞庭

槐柳未知秋依依館驛頭客心俱念遠時雨自相畱浪沒貨魚

市帆高賣酒樓夜來思展轉故里在南州

釋可朋

紀事可朋丹稜人有詩千餘篇號玉壘集

賦洞庭

周極八百里凝眸望則勞水涵天影闊山拔地形高賈客停非

久漁翁轉幾遭颯然風起處又是鼓波濤

宋

呂蒙正

字聖功河南人登進士第太宗真宗朝三為宰相王申志按本傳不見至湖南事蓋失之

洞庭湖

八月寒濤濺碧空片帆悠颺信秋風探珠直待驪龍睡莫遣迷
津浩渺中

劉敞

字原甫臨江新喻人慶曆中舉進士官至集賢院學士著有公是集

望洞庭

洞庭七百里浩蕩敵溟渤雲夢開其胸巴陵束喉舌東流滙羣
川盛漲五六月飄颻浮乾坤倚蓋低兀臲吾行寰海閒未見此
水闊峽流下衣帶島嶼盡毫末高秋卷氛翳兩涯浴日月何得
徑寸珠晦明互出沒蒼茫蛟龍宅溷雜魚鼈窟太古到於今沈
潛孰分別風帆引北極波浪限百越國絕南顧憂獻琛各通達
山川非一險此實輔明哲俯笑三苗愚竟爲獨夫滅遠遊世俗
巴陵縣志

卷之六十四

洞庭集上編

詩

七

隘偶此耳目豁浙瀝臨清風滂沱濯炎熱蕭蕭霜林暮藹藹芳
草歇壯觀激我懷當歌意復咽寂寥軒轅樂萬古逸響絕慘淡
虞帝魂九疑莽湄嶠况聞屈賈輩各賜楚漢珎至德無復還後
王寢衰缺滔滔更南征鬱鬱抱切怛太湖雖云深未救懷古渴
憶洞庭

少年慷慨輕遠行出入楚越多所經每令百川盡衣帶獨憶岳
陽觀洞庭方輿沈潛似無地倚蓋回還徒見星始疑上帝限南
北恐有漏澤連青冥西風八月氛霧收曠宇千里令人醒苦爲
外境相誘掖欲棄塵世浮滄溟當時發狂頗自怪真擬乘輿攜
湘靈至今局促不如意坐視歲月無時停涼秋滿眼更多感回

首尚覺君山青

蘇軾眉山嘉祐二年甲科歷官禮部尚書兼端明侍讀兩學士知定州落職徙英州詩蓋赴英時過此作望岷江而思蜀鄉故有未句又按蘇集並無此詩蓋蘇公少出峽入汴未曾過湖貶嶺外亦不由此途故岳樓獨無蘇跡也
此詩語意雖合卻非蘇作不知
舊志從何收入姑仍之王申志

重湖

八月渡重湖蕭條萬象疏秋風片帆急暮靄一山孤許國心猶在康時術已虛岷峨千萬里投老得歸無

黃庭堅

字魯直分甯人擢進士累官秘書丞國史編修紹聖中貶涪州別駕安置黔州此詩蓋赴黔時作故云焦林追獐獠其云乙丑丙寅謂以兩日過兩湖憶昔上岳陽必前少年時遊歷登岳陽樓則徽宗時起監鄂州稅而北歸也王申志

巴陵縣志

卷之六十四

洞庭集上編

詩

六

過洞庭青草湖

乙丑越洞庭丙寅渡青草似為神所憐雪上日杲杲我雖貧至骨猶勝杜陵老憶昔上岳陽一飯從人討行矣忽遲留焦林追

獐獠

米芾

字元章吳人以恩補滄光尉知雍邱轉太常博士知漣水無為二軍擢禮部員外郎知淮陽軍此詩題瀟湘入景之一不必身至其地詩云我來更欲騎黃鶴殆實遊者按湖南通志金石門有宋米黻浯溪詩後題云米黻南宮五斗求便養得長沙掾熙甯八年十月望經浯溪錢大昕金石跋尾云元章生於皇祐辛卯至熙甯八年纔二十五歲筆力勁縱已有顏平原風格王昶金石萃編云按史傳元章未嘗為長沙掾其自署姓名或為芾或為黻史作米芾此題作黻應即一人無疑芾母嘗侍宣仁后以恩得官長沙便養當在神宗時此題熙甯八年正其時也王申志

洞庭秋月

君山南來浩浩滄溟飄風之不起層浪之不生夜氣既
清清露斯零素娥浴水光盪金精倒霓裳之清影來廣
樂之天聲纖雲不起上下虛明

李白曾攜月下仙烟波秋醉洞庭船我來更欲騎黃鶴直上高
樓一醉眠

孔武仲

史傳武仲字常父臨江新喻人登甲科元祐中官
至禮部侍郎歷知洪州宣州後奪職居池州卒

過洞庭

朝來四境宿雲披漸放扁舟入渺瀰漠漠衣襟凌水霧悠悠簾
幕掛天絲波平自喜看書穩風軟翻愁出險遲今夜君山與不
淺登臨應及月明時

巴陵縣志

卷之六十四

洞庭集上編

詩

九

五鼓乘風過洞庭湖日高已至廟下二首

南津灤潯夜風微投曉湖靈更發機想像空虛聞帝樂逡巡波
浪而天圍三湘路指平蕪轉兩舸帆爭白鳥飛卻上叢祠薦牲
酒荆雲隱隱尙朝暉

半掩船篷天淡明飛帆已背岳陽城飄然一葉乘空度臥聽銀
濤瀉月聲

楊時

字中立將樂人登熙寧進士
知瀏陽縣累官工部侍郎

岳陽書事

洞庭水落洲渚出疊翠疏峯遠烟沒重樓百尺壓高城畫棟沈
沈倚天闕湖光上下天水融中以日月分西東氣凌雲夢吞八

九欲與渤海爭雌雄澄瀾無風雨新霽一日萬頃磨青銅琉璃
夜影貯星漢騎鯨已在銀河中湘妃帝子昔何許但有林壑浮
青空蒼梧雲深不可見遺恨千古嗟何窮須臾晦冥忽異色風
怒濤翻際天黑乘陵瀨壑走魑魅渟滄百怪誰能測忽看舟子
玩行險更欲飛帆借風力安得晴雲萬里開依舊寒光浸虛碧

張栻

字敬夫廣漢人宰相浚子乾道中累官知靜江府經畧安撫廣南西路

過洞庭

城頭雞一號浩蕩風腳回篙師起相呼牽帆上高桅我亦推枕
聽波浪聲轟厖窗閒試一觀萬頃銀山開附火且安坐念此亦
快哉良久天平明已見金沙堆泊舟古廟底喜色動輿臺我行
巴陵縣志卷之六十四

洞庭集上編

詩

三

正長夏及此歲律催通籍恨亡補敢賦歸去來所至有何忙妙
處姑徘徊險阻元自平鷗鳥亦不猜萬事有定理渠謾費安排
明朝上湘水雪意正栽培行矣一樽酒好在故園梅

劉清之

字子澄臨江人紹興進士受業朱子之門後知衡州

洞庭湖

天孫歲晚會湘靈倒瀉銀河合洞庭上下天光唯一白中間山
色不多青荆潭萬里收塵滓宇宙連宵失晦明莫道人閒少仙
境詩思酒魄一時醒

甄龍友

字雲卿永嘉人紹興二十四年進士官至國子監簿

觀洞庭

風定澄空氣渾然恍疑太極未分前祇因有浪知爲水若遇無
風卽是天舊說君山張帝樂新聞老木識飛仙而今大洞黃庭
客又看題詩紀歲年

陳與義史傳字去非洛陽人希亮曾孫政和中登甲科遭亂
避地湖湘泛洞庭上九疑羅浮雖流離困厄而能以
山川秀傑之氣一昌其詩後知
邵州累官翰林學士參知政事

洞庭野望

洞庭微雨後涼氣入綸巾水底歸雲亂蘆叢返照新遙汀橫薄
暮獨鳥度長津兵甲無歸日江湖送老身悠悠只倚杖悄悄自
傷神天意蒼茫裏村醪亦醉人

陸游史傳陸游字務觀山陰人以蔭補登仕郎孝宗時賜進
士出身通判建康歷隆興夔州通判辟川陝宣撫幹辦

巴陵縣志卷之六十四

洞庭集上編 詩 三

公事累官秘書監寶章閣待制王申志按
放翁蓋自蜀旋經遊巴陵乃往武昌也

乘大風發巴陵

雪濺浪方作翠颭山欲浮奇哉萬頃湖著我十丈舟三老請避
風叱去非汝憂神物識忠信壯士憎滯畱擊鼓催挂帆揮手別
岳州仰視羣鵠翔下闔百怪囚衡湘清絕地恨不從此遊聊須
百斛酒往醉庾公樓

高善濂

洞庭晚望七首 錄二

擊汰涼風水面迴偃虹隄上夕陽開含漿老蚌浮光起迎棹神
鴉舞翅回醉唱難尋漁笛樂羈懷易動暮笳哀何能雪鷺銀鷗

侶盡日無愁曲岸隈

西塞煙痕向晚橫登臨聊復上重城湖中匯澤流千派望裏長
巒翠一桁歸櫂江皋頻錯認懷人天末最關情散愁商隱還乘
興只恐風波夜轉生

元

揭傒斯

史傳揭傒斯字曼碩江西富州人大德閒出遊湘漢
程鉅夫為湖南憲長妻以從妹延祐初薦授國史院
編修官順帝時
累遷集賢學士

洞庭秋月

灝氣自澄穆碧波還蕩漾應有凌風人吹笛君山上

傅若金

書史會要若金字汝勵新
喻人官廣東廉訪照磨

巴陵縣志

卷之六十四

洞庭集上編

詩

三

歸舟阻風

洞庭十日風勢號沙頭客舟如繫匏沅湘九道白波立衡霍干
峯元霧交神龍欲蟄無定窟黃鵠將歸愁故巢咫尺城樓不得
上何因一望楚江郊

歐陽元

史傳歐陽元字原功瀏陽人延祐中進士授平江
州同知調武岡尹順帝時累遷翰林學士承旨

過洞庭二首

白沙隱隱見金鼇殿閣憑虛結構牢天水渾融浮太極神人幽
顯隔秋毫龍堂深闕靈栖冷象緯低垂客枕高欲作廟中迎送
曲杜紅蘅碧盡離騷

媧皇搏土擲虛空屹立君山面勢雄一畫犧圖天地骨九江鯨

觀鬼神功裙飄帝子蒼茫外樂奏鈞天瀕洞中頗恨當年鄒魯
客觀瀾未到楚諸熊

陳孚

史傳陳孚字剛中台州臨海人至元中以布衣上大一
統賦署上察書院山長謁選入都世祖命尚書梁曾使
安南選南士為介朝臣薦孚授翰林院編修
使還除待制後為台州治中奉使宣撫諸道

洞庭秋月

月明水無痕冷光泣清露微風一披拂金影散無數天地青茫
茫白者獨有鷺鷥去月不搖一鏡湛如故

陳泰

史傳陳泰字志同茶陵人延祐初與歐陽元同舉
於鄉官龍泉簿有所安遺集好作歌行出語清婉

洞庭迎送神辭四章

我歲晏兮北行蹇維舟兮洞庭謁靈均兮神圉女巫進兮告情

巴陵縣志

卷之六十四

洞庭集上編

詩

三

擊鼓兮坎坎心馳兮日短靈恂恂兮有無思我虔兮毋遠

修門兮延伫靈將動兮松語羣龍兮吹靈森天矯兮樹羽擊鼓

兮咽咽靈飈兮建旂爵爵玉珥兮佐服映佐統兮華轂紛進拜

兮王臣心夷猶兮平陸

我所悅兮霞觴假將進兮翱翔盼靈光兮恍惕靈慰我兮清揚

醜酒兮苾椒荃蕙兮為穀靈飲此兮長壽配南箕兮參北斗介

下土兮景福荷皇風兮永久

蹇既醉兮日暮絲煙生兮南浦靈之回兮影翔紛遺女兮螭章

幽櫺兮閉夕窈窕兮望不極雲冉冉兮靈辭羌勞汝兮余思湖

之濱兮有芷候南風兮來歸

顧瑛

史傳無考疑卽崑山顧阿瑛也宏簡錄顧德輝字仲瑛別名阿瑛崑山人少輕俠三十始折節讀書舉茂才署會稽教諭不就卜築玉山草堂日與高人觴詠晚髡髮避張氏號金粟道人

送鄭同夫歸豫章分題得洞庭湖

五湖秋水洞庭煙七十二峯青插天神禹書藏林屋裏仙人詩

刻石屏前溫溫玉氣穿靈洞白日銀河瀉瀑泉鴻雁來時木葉

下送君晨發楚江船

壬申志按此詩送人歸洞庭而云七十二峯又云書藏林屋則吳之洞庭也題末湖

字應係誤添舊志載此詩姑仍之

明

宣宗章皇帝

洞庭秋月

巴陵縣志

卷之六十四

洞庭集上編

詩

五

洞庭秋水清徹底岳陽樓頭月初起巴山落影半湖陰金波倒

浸芙蓉翠須臾素景當瑤空寒光下燭馮夷宮雲夢微茫冰鑑

裏沅湘浩蕩玉壺中霜華初飛風浪息萬籟無聲夜方寂彷彿

湘靈汗漫遊虹橋直跨天南北但見鷗汀與鷺洲折葦寒沙帶

淺流縞衣綸巾湘中老高臥取醉岳陽樓回看月下西山去湖

水悠悠自東注洞庭咫尺西南陬赤岸銀河萬里秋

楊基

明史楊基字孟載吳人洪武中累官山西按察使曾奉使湖廣故有岳陽諸詩

洞庭秋月

湘水秋更清湘月秋更白光輝一相蕩水月不辨色何處洞簫

聲巴陵夜歸客

過洞庭

雨後春江似潑醅洞庭猶更綠於苔碧湘樓閣千花繞紫府旌
旗十殿開春色不隨流水去夢雲長帶客愁來閒身也是滄浪
客鷗鷺恩恩莫浪猜

劉三吾

史傳三吾字坦甫茶陵人元末提舉靖江學洪武中
用薦除左贊善陞學士三十年舉會試以多中南人
坐罷戍邊
永樂中卒

次蔡元禮過洞庭韻二首

翠瀾渺渺共天寬過客登臨足解顏兵後已非前殿閣望中猶
是舊江山白雲隱映波光裏畫棟參差樹杪閒欲向黃陵懷帝
子鷓鴣啼處雨斑斑

巴陵縣志

卷之六十四

洞庭集上編

詩

五

樓宇年深已不堅尙餘神物至今傳波濤洶湧豚吹浪雲樹糝
糊鴈叫煙無復翠華來帝子空餘廣樂奏鈞天夜深環珮淒清
處半是乘風聞苑仙

夏原吉

史傳夏原吉字維詰湘陰人洪武中以鄉薦入太學
選授戶部主事建文初擢戶部右侍郎靖難後進尙
書仁宗時加少保宣德
中卒贈太師諡忠靖

洞庭秋月

萬籟無聲玉宇清君山推出一輪明嬋娟倒蘸寒波底驚起魚
龍夢不成

薛瑄

字德溫河津人永樂辛丑進士官至文淵閣大學士諡
文清從祀孔廟事具明史明統志宣德中以御史監湖
南銀場黜貪墨正風俗
政暇進諸生講學不倦

洞庭秋月

西風淨晚煙天水遠相接瓊樓玉宇深炯炯涵虛白夜久風露
寒一鼓湘靈瑟

洞庭遇雨

孤舟行何遲歲晚洞庭雨跳波亂明珠隨風颺細縷雲霧失君
山波浪連吳楚誰唱斑竹枝別思盈南浦

寓洞庭歌

吾觀庖犧龍馬圖五行惟水居其初自從清濁奠高下山澤通
氣無時無荆南之水亦眾矣壯觀惟有巴陵湖世俗相傳八百
里足跡未到空躊躇今秋持節來南楚泊舟岳陽訪奇古登樓

巴陵縣志

卷之六十四

洞庭集上編

詩

美

始得肆遐觀萬頃洪濤際天宇如從東岱窺滄瀛一點仙山隔
烟雨長風歛起層霄閒溟渤洶洶增狂瀾轟天揭地急雷鼓排
空炫日堆銀山須臾風止波濤定涵泳虛空開玉鏡金烏飲淵
千丈紅白鷗落影一行動行客喜甚無氛埃連翩大舸爭往來
我亦飄然下樓去放舟中流何快哉蜀江西來半天瀉瀟湘南
接蒼梧野一劍橫空有所之丈夫不作悠悠者洞庭洞庭七澤
雄鄒魯昔有觀瀾翁我今賦此良不苟乃知有本無終窮

沈鍾

楚紀沈鍾字仲律金陵人天順
甲申進士累官湖廣督學副使

洞庭湖

昔聞洞庭湖君山極葱蒨昨從岳陽來始獲君山見掛帆願登

臨弗值東風便陸行踰長沙靖綏數州縣迺遵湖北歸三月幾
及半艤舟城陵磯君山又當面始見心已傾又更增繾綣登臨
最上頭眼界會須展黃帝飛昇台婆婆躡蒼蘚繞袖雲葉垂盪
芻浪花捲陰陽究推移烏兔看旋轉仍弗值便風竟莫償斯願
風伯倚顛狂公然少收斂豈彼亦有知我遠遊倦遍每遊輒有
詩在處都題徧惟茲洞庭湖海內首稱險胡忘千金軀執僻不
少貶載感風伯情願我一何眷題詩答殷勤三復愧膚淺

龔朝典

通志龔朝典臨湘人以薦舉官漳州同知

洞庭棹歌

一夜浮湘風雪暄遊人爭上洞庭船平湖八百添新漲野艇如

巴陵縣志

卷之六十四

洞庭集上編

詩

七

萍坐入天煙波渺渺蕩青草回視君山若蓬島醉吟仙子不可
呼鼓瑟湘靈但微討翠黛雲鬢明歸落欵乃輕風過鹿角千山
招雨蔽江來夾岸連雲似烏合湘陰酒美尙堪沽江魚換得趁
新舖篷底靠牕歌八詠嗔無筆寫雨煙圖危亭隱隱藏湖曲雨
打風橫灣六六閒看漁父哺鷓鴣上下船頭任飛宿和雨和煙
泊喬口登樓一望飛帆走少陵詩句在其中岸樹江風爲弔古

彭澤

明詩綜彭澤攸人景泰丙子舉人壬申志按明史彭澤蘭州人官至兵部尙書謚襄毅仕迹不至湖南此詩非其人按明時有兩彭澤一少保兵部尙書一太常卿俱嘉靖朝見萬姓統譜

泊岳陽樓

平湖空闊水浮煙孤嶼依微樹接天歲月有期陵谷變神仙多

事古今傳城樓吹笛風回市沙浦鳴榔月滿船細讀屈騷並賈賦淒涼遺恨使人憐

黎澹 華容人天順元年進士第一官至禮部尚書諡文僖

夜泛

四溟波浩浩一葦向空渡月近星斗寒始識天上路

李東陽

字賓之茶陵人官至華蓋殿大學士諡文正事具明

謝寶慶蓋寶郡守未詳何人西涯盛稱其詩而二人詩皆不

傳蓋一時雷題岳陽樓壁後遺失去耳是可惜也

偕謝寶慶洞庭湖中作

湖南鉅郡稱岳陽樓前大湖春水長周回九江帶七澤顛倒萬

巴陵縣志

卷之六十四

洞庭集上編

詩

天

象隨三光洪濤巨浪拍山動風雨卻洒炎天涼君山遠在湖中

央蒼梧不來斷人腸南尋汨羅不知處屈子隨地魂茫茫謝公

弔古心慷慨予亦從之渡沅湘平生壯遊天地閒老大不覺鬢

眉蒼商飈南來振南嶽孤權未許還滄浪畫圖髣髴今皆是江

海風期殊未忘揮豪賦者誰最强前有循魁後孔暘二子之名

滿天下豪氣直欲隘八荒嗟予有辭不敢吐人今盡笑二子狂

眼中同調似公少且復盡醉君山傍

周廷用

明詩綜廷用字子賢華容人正德辛未進士授宜黃

西按察使有八匡集

夜泊岳陽樓

水動沙虛月色浮孤舟夜傍岳陽樓天空避繳雁來度浪靜抱
珠龍出遊湖海放歌聊對酒鄉關聞笛易生愁君山縹緲虛無
裏欲躡飛雲到上頭

洞庭舟中聞鴈

瀟湘鴈來今幾時洞庭雲水鎮相宜傳書列字征心急葦折
荷歸思遲度月關山應獨苦銜蘆贈繳已先知呼雲政爾聲聲
切吹笛高樓何處思

大江晚渡

洞庭湖邊吹晚風孤雲殘日隱長空一羣鴻鴈菰蒲裏無數人
家蘆葦中傍水酒漿那可覓隔溪魚蟹孰能供茫茫江海關舟

巴陵縣志

卷之六十四

洞庭集上編

詩

禿

楫何處滄浪有釣翁

藍明之

藍明之里居官位無考湖南舊志又載湘江晚泊答孟原僉憲詩有云三秋持使節萬里奉王命是明之以使臣來湖南不知職官名宦何並無之豈專爲差使非守土臣耶王申志

泛洞庭湖作

昔歌杜甫洞庭作壯思高秋動寥廓天風吹夢岳陽樓九月揚
帆湖水落中流四望波泠泠遙天倒浸涵滄溟龍堆千尺雲濤
白鼇背一點君山青茫茫元氣浩無外巨澤方知百川會錦浪
愁翻灩澦深黃流怒擘君山碎漂吳蕩楚注海門吞雲吸夢移
山根東南但見日月出咫尺常愁雲雨昏輕舟破浪疾如箭瓣
香走謁龍王殿琴高赤鯉有時逢温嶠然犀那可辨偶然風靜

波不喧青銅一鏡磨蒼雲舟人漁子雙雙過斷鴈殘鴉箇箇聞
汨羅欲弔懷沙客芳洲誰鼓湘靈瑟清淚空餘野竹斑忠魂何
許楓林黑古今萬事共悠悠人生有酒且澆愁喜探禹蹟得奇
觀濯足滄浪歌遠游

楊慎

史傳慎字用修新都人大學士延和子正德辛未進士
第一授翰林修撰以議大禮泣諫杖謫永昌天啓初追
諡文憲有升庵集王申志按詩首句
似登第歸蜀時玩末句則赴滇時也

洞庭春興

帝里朝辭供奉班客程宵濟洞庭灣湘君鼓瑟清冷外鮫女鳴
機縹緲閒青草波光連夢澤蒼梧雲物隔疑山故園亦有岷江
水垂老生涯釣艇閒

巴陵縣志

卷之六十四

洞庭集上編

詩

三

徐緘

洞庭湖

巴蜀雪水來洞庭容不住一夜風濤聲漂卻君山去

馮世雍

明詩綜馮世雍字子和江夏人嘉靖癸未進士歷官
徽州知府有三石稿王申志按詩綜載有赴滇南詩
云漫停湘浦駕遙望漢江臺
蓋道岳赴滇而過洞庭也

過洞庭

楚客驅車過洞庭天風颯颯吹湘靈斜陽欲盡亂山碧別浦遠
望飛煙青南荒征旆倚明月東廓草堂虛翠屏浮槎萬里泛牛
斗劍光白日空秋冥

王孫蔚

過洞庭

洞庭淼無涯欲濟候風力我來蟬聲噪楓葉初蕭瑟涼颺會人意飄然送帆席解纜過岳陽凌波似奮翮君山一片雲迎面忽相通雪浪翻日車赭崖裂地脈中流舞神鴉噪飛自索食一似恃水伯飽颺古祠側湘靈瑟已杳祖龍樹還碧萬象迴環合變化誰能測憶昨下瞿塘驚魂尙未息浩蕩復遄征長作舟中客開窗見南嶽七十辨峯色遙揖魏夫人逸興飛青壁江湖蒸白漑蒼莽迷咫尺向暝風更緊粘天潮影黑撥棹破盤渦恐撼蛟龍宅正襟語波濤忠信諒無失

周聖楷 字伯孔湘潭人貢生著有湖嶽堂集

巴陵縣志 卷之六十四 洞庭集上編 詩

三

巴邱泛月

看月湖中好憐人不枉明賞因稀愈快遊以幻爲程漁火隨星出山光與樹平棹邊天上下何處岳陽城

管時敏 失考王申志按詩蓋官湖南者而職官遺之又按田宗文有管郡侯之岳陽奉上四韻詩疑卽此人爲岳

也守

過洞庭

湖上東風水似天渚花紅白共春妍蒼梧二女墳前路青草三閩廟下船鮫室綃機聲軋軋龍宮珠佩影娟娟官閒更遂南遊興借榻君山寺裏眠

謝榛 字茂秦臨清人與李攀龍輩倡詩社事具明史文苑

送客遊洞庭湖

相逢楚客問巴州此日揚帆湖上遊天涉長連洞庭水雲霞半入岳陽樓低空白鴈投寒渚隔浦丹楓照暮秋莫向湘君聽鼓瑟黃陵月冷不勝愁

俞安期

明詩綜安期初名策字公臨既更今名改字羨長吳江人有琴琴集壬申志按此二詩蓋前後往還作

過洞庭湖

南北占星日相期任遠飄輿圖淪浩蕩舟楫變昏朝鴈力翻風盡蛟宮隱浪遙最憐無定處雷雨失青霄

青草湖

秋霜枯洞庭秋草入湖青漁屋遷卑壤風帆就遠汀鴈鳧沙不

巴陵縣志

卷之六十四

洞庭集上編

詩

三

整魚鼈塹多腥回想波濤日陰沈託水靈

李義壯

通志南海人進士左參政辰沉道

洞庭冬夜聞笛

湖水茫茫冬月白三年夜半孤舟客一回見月一沾襟湖上何人復吹笛橫笛能令孤客悲况復天空歲晏時羽音剽疾商音切湖波激灑湖雲遲淒斷湘娥擘斑竹嚴霜漉漉飛寒玉巴童折柳更始孌無數飄花滿洞庭魚龍寂寞鴻雁杳惟餘一點君山青明日別離向何許渡口一聲淚如雨

孫宜

明詩綜孫宜字仲可華容人嘉靖戊子舉人有洞庭漁人集靜志居詩話洞庭漁人胡氏詩藪稱其學杜然實

源於大李故論詩絕句云我愛風流太白豪萬言珠玉在揮毫特其運筆癡重斯與謫仙人不類耳其於空同大復

少谷太初廸功西原皆其所取法滔滔莽莽下筆不休亦楚產之傑出者王申志按明世吾岳詩人獨推漁人竹垞謂效太白蓋指七言長篇王元美評云華容孫宜得杜肉余謂漁人五言力擬康樂試觀此數詩自顏延年登巴陵城後始復見此風格可謂卓犖不羣然文章自有風氣實自李空同來耳

洞庭

洞庭控南服浩渺若滄海緒風激迴濤冥雨散孤靄七澤勢互淪萬古流不改島嶼旣嶺業江漢復灣匯圓波濺石齒高浪蹴山巋瞰回眾象出魄墮頽瀾委艤楫隨混茫經湍怯崔嵬阨危賈客疑次且行人悔冒險迺足嘆際平亦堪待拳芷懷昔遊採蘭愴誰狂

胡承諧

巴陵縣志

卷之六十四

洞庭集上編 詩

三

湘中吟

楚客多悲音更爲湘浦吟湘浦蕭條空延伫日暮停舟懷沙渚狂風震盪洞庭湖屈氏忠魂無處所吁嗟乎君無輔兮車軸折臣失主兮菁華絕所以申狄蹈河萇宏化血纍臣一去不可攀含悲飲泣愬天關乍凝神思若有見倏爾孤帆沒雲山

孫夢豸

昌邑人進士隆慶間由御史官岳州府知府

望洞庭

泛濫江湖水接天家家沈竈已生煙洞庭空自淹遷客滄海無緣泛釣船矯節獨懷垂漢史發棠誰復勸齊宣憂時未竟平生志尊酒孤舟一惘然

蔡汝楠

列朝詩集汝楠字子木德清人嘉靖壬辰進士年十

東按察使兵部侍郎改南京工部同安洪朝選云蔡白石

唐應德云白石詩洗盡鉛華獨存本質幽玄雅澹一變而

得古作者之精蓋嘉靖初唐應德陳東之反北郡之弊變

為初唐之體至是乃稍變為中唐而子木之風調得之皇

甫兄弟漸摩者居多元美謂子木少年雅慕建安晚始

淘洗攻錢劉索然易盡而又極詆吳人皇甫氏黃氏以為

如倚門之伎施鉛粉強盼笑則一時風尚互相凌轢可以

見想

自岳陽泛舟下武昌呈姚二使君

炎天征路洞湖邊聯駐油幢訪洞仙徒從便隨魚客棹烟波誰

認使君船鴨欄落水沙痕出漁浦濃陰樹影連行望江樓黃鶴

近白雲如待意悠然

巴陵縣志

卷之六十四

洞庭集上編

詩

畫

沈明臣

列朝詩集明臣字嘉則鄞縣人少為博士弟子數奇

保豁達好士微有酒失善嫚罵嘉則岳岳不少唯阿少保

嘗望見為起立嘗醺將士爛柯山上酒酣樂作請為鏡歌

十章援筆立就醺酒高吟至狹巷短兵相接處殺人如草

不聞聲少保起捋其鬚曰何物沈生雄快乃爾命刻石置

山上少保死請室中嘉則走哭墓下持所為誅徧告士大

夫頌其冤狀已而挾筴走湖海往來吳楚閩粵間年七十

餘死於里中先後詞詩七千餘首今之行於世者為豐對

樓詩選凡四千餘首萬曆間山人布衣豪於詩者吳門王

伯穀松陵王承父及嘉則三人為最伯穀才名故與烏衣

馬糞相頡頏承父早多貴游嘉則晚依宗袞三人者其聲

勢皆足以自豪

洞庭秋月

木落天青萬里波洞庭秋色月明多不知何路長沙去只唱三

洲估客歌

倪子敬

失考明史有倪敬字汝敬無錫人正統進士擢御史巡按山西福建景泰時以直言忤旨謫為廣西宜山

蓋曾由湖南往來廣西者其字汝敬或誤書為子故也

過洞庭

長帆百里乘風舉巨浪茫茫洒荆楚自從混沌剖裂時勢與乾坤互吞吐孤城遙見是巴陵城上危樓猶數層江山都在闌干角懷古情深不忍登昔賢五色如杠筆倒捲銀河翻几席先憂後樂此時心萬古中天懸白日我亦江湖作遠遊寸心長繫百年憂三湘南去叫虞舜蒼梧日落雲悠悠平洲芳草齊如翦長吟不作騷人怨一聲風笛鴈茫茫回首君山天際遠

謝三秀

明詩綜三秀字君采貴竹人萬歷間有雪鴻集

巴陵縣志

卷之六十四

洞庭集上編

詩

三

洞庭夜泊石門對月

平湖涵霽景涼月漾晴暉樹極長天盡雲歸別島微燈前秋社燕夢裏故山薇誰念滄洲客飄零未授衣

袁宏道

明詩綜宏道字無學公安人萬歷壬辰進士除吳縣知縣改京府學官國子博士遷禮部郎調吏部移病

中秋偕諸衲泛舟洞庭

市地雲銷盡平湖絕點青琉璃天子月香水海王城怒蛤排帆立神魚掣練行山僧精觀忍一倍發光明

唐紹堯

通志唐紹堯字二華武陵人天啟壬戌進士知高陽縣縣建魏忠賢生祠日奏樂上食紹堯下車禁之中

官誣以事籍其資逮下獄榜掠幾斃

過洞庭

崇正初起武選郎中遷戶部侍郎

浪湧波寬水勢雄指南全恃一篙工占風午夜先晨起計日揚
帆晚宿同望遠不分雲水白欹檣難辨野花紅大觀在目思無
限嶮巖驚心興亦窮

陶汝鼐

通志汝飛字仲調甯鄉人少奇慧工文章崇正中貢
成均積分試第一癸酉舉於鄉丁丑癸未兩中會試

副榜授翰林待詔陞檢討
請告歸入國朝不仕終

洞庭秋泛

秋半看湖湖始全空青涵映混中邊水無盡藏難爲海日有容
光乃辨天檣似馬來時出隊雲隨鴉懶共投船快風過眼迷前
後何處君山翠一拳

洞庭秋月

巴陵縣志

卷之六十四

洞庭集上編

詩

三

風淨湖雲露淨波楚天連漢復連河岳陽無限煙霜月不及秋
蟾氣象多

郭都賢

號天門又號些庵益陽人官御史巡撫江西崇禎甲
申正月解印務歸邑石門山中削髮爲僧後爲當事
誣繫獄章皇恩詔出之有前
後洞庭秋各三十首見些菴集

過洞庭西湖

澤國胡爲號全身汗漫遊高天無立地老客有行舟今古浮沈
裏雲山出沒頭朗吟如在目吾道復何求

風力雄如許帆開不自由戒心頻轉腳習膽強蒙頭子午南車
僨參商肉食繆長年矜破浪指顧尙優游

雨暴雷如怒風狂浪遂顛危疑倉卒事遷次杳茫天漏重從添

繖裝輕早壓磚渡湖容易好畱滯也忻然

不識湖西路同舟結伴當汊因多口誤心著兩頭忙惡浪推奔
岸罡風落下場急流謀勇退此意戒垂堂

過洞庭湖

片片飛颿影涵空一鏡平魚龍成霸國江漢託狂名滅沒歸鴻
倦欹斜使馬輕由來張樂地不分聽鏡鉦

夜半渡湖

箕畢貪天老客星十回九坐候揚船故人不見君山面一夜南
風過洞庭

岳陽阻風

巴陵縣志

卷之六十四

洞庭集上編

詩

三

歌罷薰兮轉賦雄南來江上石尤風小乘舴艋鷗如泛高浪鯨
鯢鱉作蓬醉破曉煙和笛杳魂招明月浴蘭空令威不用悲城
郭野鶴孤鴻處處同

洞庭湖

海若稱王後湖天占一陬楚雄龍子姓澤國霸諸侯消長稱吳
會高深與嶽讐夜郎忘漢大只記洞庭秋

孟登

大兵南征官司掠船過洞庭

天風獵獵黃塵起南征傳檄若飛矢我行出湖棹且還聞道前
旌臨我里先聲赫赫動江沱舳艫絡繹翻鯨波步兵十萬半乘

馬特架浮梁馳渡河渡河直指岳陽城氣吞雲夢陣雲橫蒼兕
總眾具舟楫無具焉能假木罌官司惶懼下軍牒搽索江湖如
弋獵獸窮猶藉解網仁舟藏力負等胙篋伍員入楚教船軍當
車大小翼攸分更賴公輸鉤拒法倉皇驅率可能聞洞庭風濤
不可測江漢篙師應失色武穆曾此破楊么盍持敬戒惠南國
嗚呼率土悉臣無所逃一隅墨守祇徒勞談笑兵銷民樂業樊
湖鄂渚縱輕舸

江有溶

字滙伯一字
谷尚長沙人

岳陽同魯空聲十四夜看月

難逢繫纜岳陽邊南國煙波在眼前天入洞庭加倍闊月如湘

巴陵縣志

卷之六十四

洞庭集上編

詩

三

女未成圓荷香入酒輕沾露官舫看山已隔年吳楚一江消息

斷快談永夜不須眠

王啟茂

字天庚石首人詩多
且好著有渚宮集

洞庭晚望

樵漁歸盡小舟閒秋水殘霞錦一灣身在湖南望湖北暮雲多

似九疑山

又冬月晦日岳陽書事一年餘一月孤嶼滯孤舟歲
事看人面霜華上客頭夕陽湖外寺寒氣水邊樓久

旅多鄉夢何時即故邱又巴陵卽事樓頭日夜聽潺湲浚邑在煙
波翠壑開堪入畫圖湖上市不關塵世水中山江雷禹蹟沙沈
檝地接湘祠竹染斑試過城南問松鶴仙人何處御風還又巴
陵江村卽事雪意鴉先亂干門夕盡關渡頭聞犬吠舟客酒家
還又岳陽舟中別三弟後作青草湖邊客路分吳山
楚水正離羣閒鋪枕篔簹窗底臥看春來幾片雲

譚元春

詩綜元春字友夏竟陵人天啟元年湖廣
鄉試第一明史文苑附傳著有嶽歸堂集

過洞庭賦得湖南清絕地

岸青點點浮沮洳直看天日菰蒲去隨波流出山不知鷗與前
帆落何處輕舟二月桃源閒有此奇奔無此閒雲中湘娥不斷
魂疏雨如秋涼萬山山水照耀晨復昏南方自有湖岳尊人來
其閒亦如此孤懷落落千餘里

洞庭

夏浸湖心伏不分天水非新帆隨數點好鳥擇邊飛日月光難
徧江湖氣盡歸客舟來此泛孤似嶽僧扉

田九齡

洞庭湖二首

巴陵縣志

卷之六十四

洞庭集上編

詩

三

南望蒼梧鎖白雲九嶷秋色碧氤氳夜深誰鼓湘靈瑟淒斷清
商不忍聞

明月懷人倚暮愁星河不動白雲流一聲何處來鴻鴈忽送人
閒萬里秋

馮之圖

字書先號密菴湖北興國人崇禎甲戌進士官至漳南參議著有易老堂集

雨渡洞庭

洞庭天水合霧雨雜空青帆葉遲雲影星槎寄梗萍魚龍秋氣
落劍佩夜光冥帝子諸何在漁叢悵獨醒

郭金臺

通志金臺字幼隗湘潭人本姓陳氏幼遭家難匿中表郭氏郭無子遂請為嗣隆武南渡登鄉舉督師何騰蛟巡撫堵允錫先後論薦授職方郎中再起監司僉事皆以母老辭練鄉兵為守禦後隱衡山卒王申志按幼隗

陳恪勤公
之父也

洞庭秋和郭些菴時名方外
病僧頑石

蒼梧帝子障湘東南國盈盈一水通九面望衡秋浦上數聲吹
笛月明中長天遠影雲流鶴碧海騫飛夜渡鴻何處青蓮同騁
望往來無用翦新桐

袁準字平仲
郴州人

洞庭秋

欲將塊壘和天澆白髮秋來苦易消帝子不飄巫峽雨屈原豈
作淞江潮銜蘆海鴈休回首拜浪江豚自折腰多少山川畱勝
概登臨心事向誰描

巴陵縣志卷之六十四洞庭集上編 詩 罕

熊之臣

洞庭秋三十首錄五

湖水東流斗柄西瀟湘一鳩應時啼烟霞古廟寒鐘發夕照江
村魚網栖逐客驚心悲白髮山僧待月點青藜英雄失路多如
此七澤荒荒草色萋
家住湘南黃葉村藤蘿竟日掩青門霜催芳草虞陵暮風送白
雲喬冢存筆放漫題鸚鵡賦秋深惟聽草蟲言商山猶出安劉
策莫說沈湘弔屈原

湖水清光入草茅楓紅橘綠點林梢雲浮七澤連天起淚夏三
湘帶竹敲涼月猶懸京燕墓朔風忽落鳳凰巢長江寂寞芙蓉

冷應有寒波可泣鮫

湖上淒其三兩家凌虛惟見蘆荻花鷗翻落日汀汀白雁舞西風陣陣斜霜降漸衰元亮柳寒生久熟邵平瓜岳陽日暮添蕭瑟結伴攜尊待月華

遠看天際蜃成樓鷺逐霞飛水自流千里岷江歸下雋一城紅樹擁巴邱鏡臺羅月光清日墨嶺含烟染素秋遷客已難舒望眼鷓鴣聲裏更添愁

釋溥良 字去六一字合巖 攸人著有合巖詩集

過洞庭

洞庭煙曉霽雲夢氣初晴水際疑天盡舟前看日生城危驚墮影鳥駭過無聲恨有君山在湖光稍未平

瀟湘集

洞庭秋月

纖雲不動金波浮冷光萬里開清秋青山一髮渺無際天影落鏡星河流中流無人萬籟寂夜深往往魚龍出何人長笛在扁舟水遠天長露華白

國朝

楊升 字系雲湘潭人 順治朝諸生

洞庭秋

黍離悲後益殷憂虛白湖光送遠眸已老蟬聲鳴舊恨半黃梧

葉下新愁風高天際眠雲客塵做崖根釣月裘眼底素交零落
盡不堪桂楫破清秋

施閔章 字尙白號愚山安徽宣城人順治己丑進士官湖西道舉康熙己未博學鴻詞改翰林院侍講

過洞庭湖

春半洞庭漲風驅萬櫓開蛟龍橫楚粵島樹割蓬萊軒帝乘風
去湘妃鼓瑟回白蘋鷗浩蕩芳杜水滌河蜃市朝曦暗珠帆夜
月來氣連南嶽霧濤駭北溟雷天地滄洲盡江湖畫角哀中宵
呼屈宋千古一徘徊

李敬 字聖一號退菴江蘇六合人順治丁亥進士官至刑部侍郎

讀水經注懷洞庭

巴陵縣志 卷之六十四 洞庭集上編 詩 望

坐倚巴邱俯洞庭君山一十二峯青不聞修竹來仙吹但有孤
鴻送客舫欲辨水天惟北斗若當風雨即南溟舊遊浩渺如春
夢兀看酈元注水經

高珩 字葱佩號念東淄川人明崇禎癸未進國朝官終刑部侍郎有樓雲閣集

洞庭舟中

長安風雨夜往往夢孤舟乍作舟中客何殊夢裏遊想因皆是
夢人境總宜秋一片冰心在蒼茫對十洲

汪琬 字茗文江蘇長洲人順治乙未進士以戶部主事舉康熙己未博學鴻詞改翰林編修

和李退翁侍郎讀水經注憶洞庭之作

曾持使節遠揚舫落木層波共杳冥澤畔有人哀郢客雲中何

處降湘靈雨過斑竹千叢綠潮落芳蘭兩岸青回首舊遊今阻絕不堪寂寞對遺經

王士祜

字子側號東亭山東新城人康熙庚戌進士著有古鉢集

和李退翁侍郎讀水經注憶洞庭之作

相思何處折芳馨望斷黃陵舊日亭秋水依稀聞落葉楚天彷彿見揚舸洲邊子成三春綠樓外君山一點青太息雲中君在否不堪重問道元經

王士正

字貽上號阮亭山東新城人順治戊戌進士官至刑部尚書諡文簡

和李退翁侍郎讀水經注憶洞庭之作

楚望經時入宵冥岳陽樓上數峯青曾臨南極浮湘水坐對西

巴陵縣志

卷之六十四

洞庭集上編

詩

望

風憶洞庭斑竹想從春後長落梅猶向笛中聽新詩吟罷愁多

少腸斷當年帝子靈

石鯨

字浪秋號橫海武陵人順治十五年進士官灤州知州著有鷹來草堂集

洞庭秋和詩三十首

錄三

長安人有持些菴此詩問余洞庭之氣何如余曰洞庭有霸氣而無王氣有仙氣而無富貴氣人謂知言一夜引燭和此卻寄洞庭人

久憶洞庭湖水東五年不見老文通此時秋水正無賴當日扁舟宛在中亦既倦遊悲夕鳥何堪舉目送歸鴻軒轅樂器淪忘盡尚有湘妃一解桐

我原卽是古元彝玉簡金書付與誰若問魚龍安有夜請看鴻
鴈到何時三千世界有如水十五國風無此詩汨沒左徒及太
傅可憐半點半爲癡

湘中大水賈生痕天上孤雲屈子魂愁苦備嘗徒骨立聰明用
盡失胚渾上林漫有二三賦雲夢安能八九吞我實胸中無芥
蒂車前不輕後難軒

李旭白

字東巖湖北咸寧人
順治朝貢生官知縣

庚子秋過洞庭漫賦

向聞洞庭闊今在水中央一碧聯空淨千山落渺茫舟輕風怯
重楫短濟驚長蕩漾同鷗汎翱翔接鴈行文章傳屈賈雲物感
巴陵縣志

卷之六十四

洞庭集上編

詩

四

英皇今古升沈異乾坤節序常風流懷往昔沾酒醉斜陽

盛符升

字珍示江蘇崑山人康熙
甲辰進士官至御史

同阮亭先生遙和李侍郎讀水經注憶洞庭韻

聞說巴陵倚洞庭君山如畫見圖經岷峨雪盡寒潭碧雲夢波
連湖草青九派微茫看楚澤數峯彷彿擁湘靈知君回首曾遊
處遠思蕭然入杳冥

鄧林尹

順天宛平人康熙
十年官岳州同知

洞庭

漠漠渺無際茫茫彌不窮天涯全在水地極忽爲空積氣和雲
白浮光漾日紅沸騰驚破浪出沒看飛蓬青漢頻聞鶴橫波每

渡鴻君山歸一點衡嶽失層從神鳥能迎權江豚解拜風霞明
千里灼霧隱萬波濛不泛馮夷窟安知神禹功虞巡從此逝秦
火至今烘鐵笛音何韻桃源路可通玉輪開碧落冰鑑燭蛟宮
浣手揉星斗鳴橈破昊穹石尤聲倏怒澤國勢彌雄黃鵠翔樓
下青蛇在袖中我無今昔恨長嘯揖仙翁

潘耒

字次耕號稼堂吳江人舉康熙巳未博學鴻詞授檢討

泛洞庭湖

九江瀦一湖占地楚封半名城十二三微茫綴湖畔夏秋水盛
時涵天四無岸中流吐日星餘波拂江漢我行值仲冬水落勢
平漫猶然浩無涯道里不可算安鄉抵巴陵淹泊屢昏旦眠餐

巴陵縣志

卷之六十四

洞庭集上編

詩

望

蛟龍窟偃息馮夷館風濤猛堪驚雲物奇可玩霞蒸錦鮮新日
煉金燦爛水浮玻璃天山橫青玉案帆移異迴颺鴈渡愁弱翰
域中標五湖雄奇此爲冠平生慕圖詠及茲窮壯觀最苦流潦
清客水盡消散全湖露眞形山川見條貫湖乃有容德不盈亦
不曠世人昧遠覽臨流畏湍悍不有大壑瀦數州盡沈灌配瀆
能停滌比海齊浩瀚媿無郭木才神功莫能贊亭毒思化源望
洋但三款

金德嘉

字會公號豫齋湖北廣濟人康熙壬戌進士官檢討著有居業齋集

洞庭二首

空濛疑太古溟滓入虛無漠漠黃陵廟茫茫青草湖星躔從水

闊鳥影際天孤一夕安能賦瀟湘渾畫圖

雲夢爲襟帶君山一羽毛五行偏積水二氣滌生濤煙雨湘靈

瑟風雷楚國騷涼秋應漸涸臨眺尙滔滔

王爲壤

字丕石龍陽人康熙癸酉副貢著有青原集

洞庭秋二首

吳楚東南一葉通寒光晶晶畫圖中百川煙島神仙氣千里雲

帆海國風草泛遠香分杜芷水多丁戶載魚蟲釣鉤江上清秋

月輪與滄浪八十翁

千里湘帆一艇孤幾番風雨憶句吳秋連星斗波明滅水簇峯

巒翠有無三戶人煙皆楚望九歌心事半蒼梧煙光極目誰相

巴陵縣志卷之六十四

洞庭集上編

詩

吳

對惟有生涯舊酒徒

高其倬

字章之鑲黃旗漢軍康熙甲戌進士官至戶部尙書諡文良

過洞庭

囊括西南水百川綠雲橫捲岳陽前平浮日月懸雙壁別爲魚

龍闢一天夜月不彈湘女瑟秋風還送楚人船誰云九馬稱奇

險我欲臨風起扣舷

李卷

望洞庭湖

湖水淼無際君山一葉浮渡雲疲欲歇載月溼將流浩曠爲胸

設空清與目謀悠然生靜悟恍是縱虛舟

洞庭舟次

遨遊非挾策，搆訪在遺文。扇影搖湘澱，衣痕帶楚雲。禹碑孤嶂見，妃瑟半江聞。母曰舟中寂，微吟至夜分。

林植

臨洞庭

浩蕩深無際，蒼茫望不窮。山川何處辨，舟楫若浮空。浪捲秋風白，波涵夕照紅。迢迢武陵路，遠在暮雲中。

涂天相

字燮菴，孝感人。康熙癸未進士官，至工部尚書。

過洞庭

萬頃煙濤飛，渡難輕舟初。試意閒閒天，垂四面如粘樹。波湧孤

巴陵縣志

卷之六十四

洞庭集上編

詩

七

颿欲駕山，何必桃源絕。塵世始知衡嶽隔，元關五湖君長橫。南
北擊楫乘風破客顏。

查慎行

字夏重，號他山，又號初白菴主人。浙江海寧人。康熙癸未進士官，編修。著有敬業堂集。

渡洞庭湖四十韻

一氣吞全楚，孤舟望不窮。兩儀浮澹沲，萬象入鴻濛。冰雪凝壺
淨，烟霞拂鏡融。恍疑天四合，長見日當中。散作魚鱗去，虛憑鳥
道通。洪流年莫紀，開坼力何雄。險蓄波濤勢，陰防霧雨零。落帆
分向背，瞻斗辨西東。晶晶趨靈域，泱泱表大風。回車辭崦嵫，仗
劍倚崆峒。絕境何由達，狂飈偶一逢。未成騎赤鯉，直欲駕晴虹。
空曠曾張樂，軒轅想馭空。鸞雛嬌嶰竹，鳳唳引荆桐。去約西王

母行邀東海童舞幽潛百怪協律奏羣工貝闕清於玉冰簾暖
似烘人間常屬耳天外或呼嵩沈璧摘辭壯燔柴望祀豐居然
憑嶽瀆渺矣托神叢河伯憂方大蚩尤禍忽終長鯨摧爪甲封
豕殪豨縱不分驅秦鹿終成失楚弓紛紜吹野馬變化到沙蟲
貪說含珠睡乖從割耳聾蛟涎腥蚌窟魚目闖龍宮往往狼爭
肉紛紛雉離置崩沙埋鎖杙壞板折艤腫短景西南陷浮氛宇
宙充客行愁渺渺事往惜匆匆飄泊今無地吁嗟一倚篷向來
拘眺聽渾似出樊籠弔古夫何及傷時又不同九疑荒率指七
澤蕩明瞳易觸蒼茫句難消塊壘衷非才慙擊楫有識笑從戎
不作沾泥絮翻隨別蒂蓬文詞新畫虎爪跡舊飛鴻壯志銷頽

巴陵縣志

卷之六十四

洞庭集上編詩

哭

俗流年撫薄躬中流發長嘯誰負濟川功

中秋夜洞庭湖對月

長風驅雲幾千里雲氣蓬蓬天冒水風收雲散波忽平倒轉青
天作湖底初看落日沈波紅素月欲升天斂容舟人回首盡東
望吞吐故在馮夷宮須臾忽自波心上鏡面橫開十餘丈月光
射水水射天一派空明互迴盪此時驪龍潛且深目眩不敢銜
珠吟巨魚無知作騰蹕鱗甲閃爍翻黃金人閒此境知誰必快
意翻從偶然得遙聞漁父唱歌來始覺中秋是今夕

青草湖

淼淼湖光天盡頭朦朧初日起蘆洲小船百折行難到一片蒼

雲白露秋

八月十四夜洞庭舟中風雨再寄德尹黔南

扁舟小泊最蒼涼那更回頭望夜郎浪跡久經烟瘴地懷人今在水雲鄉燈紅極浦秋何際月黑寥天夜有光滿眼江湖飛不到始憐羽短道途長

洞庭阻風歌

湘陰去岳陽湖面一日程雲從北來風色惡吾力敢與吾命爭船頭紙錢撒白雨舟子酬神致私語老鴉啄肉掠水飛廟祝鳴鐘月東吐大哉神靈本至公憑私詎可祈感通不如繫船整篷索南北東西預難度明朝風便從爾行莫使有風帆力弱

巴陵縣志

卷之六十四

洞庭集上編

詩

吳

管楡

字青村武進人見江左十五子詩選

五日舟行洞庭湖歌

我生大言好迂怪常思起蟄鞭蛟龍北遊青齊過溟澥東觀海勢畱吳淞揭來南遷更遠險要我直覽江源窮漢陽渡頭跨黃鶴彭蠡湖口聞山鐘天公假我三日便馬當怪夢飄神風岳州城頭坐樓望混茫一氣有無中東湖西湖勢相繞君山扁山何龍蔥波痕欲撼城角缺水勢直與天源通凌晨張帆向空際鳧鷺拍拍雲濛濛平鋪泛碧萬千頃特立添黛三兩峯四天不見湘草軟一色惟見湖光空有時波紋融日影倒垂簾箔磨青銅近來浮家苦偏仄推窗一看開心胸狂歌長嘯忽大叫吾輩何

日離牢籠下牀濯足萬里遠譬乘駿馬追飛鴻措身無地寄湖
海隨天有願依艤艫君試開樽泛大白秦皇當日真姦雄涉湖
風雷偶然作赭山伐木搜蛟宮暴君聊逞一時快詎念砥柱千
年功東風更酌汝杯酒爲我弔屈幽蘭叢絲絲解纜今日事汨
羅之水流淙淙丈夫際此忽慨歎舉杯不覺憂來攻停帆瞬目
三百里船頭日落青山紅

五月二十五日洞庭看夕照歌

我官於黔如秋蟲啼吟只在空山中五年誅茅附山麓日月出
沒迷西東羊腸一線置郵傳崇嶺夾峙真蠶叢竭來東遷泛雲
水快攜琴鶴依檣蓬五溪雷霆走蛟兕洞庭煙雨迷空濛晚來
巴陵縣志

卷之六十四

洞庭集上編

詩

辛

棹謳閒柔櫓搖碎碧色千玲瓏長風吹雲雲冒水飄浮亂絮旋
消融須臾日影落空際欲落不落天垂容驪珠吞吐碧濤上光
照貝闕懸珠宮歸雲萬點雜濃淡通體盡被晴霞烘此時波紋
若鱗密千里碧浪磨青銅煙橫天際偏冉冉草積沙畔何茸茸
明霞一點光四映恍若絳蠟燒簾櫳倚舷狂叫大奇絕長吟或
恐驚蛟龍陶然一斗吾竟醉夢御列子飄然風

陸次雲

字雲士浙江錢塘
人官江陰知縣

泛洞庭湖

大浸數五湖莫大乎洞庭時當春夏交雪融水氣蒸仰視但有
天與波同一青茫茫六合中不見大塊形三老弄洪濤澎湃意

所輕至此乃敬慎風正始揚舫同舟色俱靜半帆容與行此中
有楠木千載成英靈出沒每不時異響令人驚舟婦散紙錢徐
徐乃就平死生呼吸聞宴坐猶兢兢吁嗟縹渺中難測鬼神情
或問傳書事心知不敢應

楊敬儒

字恆南山西忻州人進士康熙朝官臨湘知縣

過洞庭湖阻風

昔聞洞庭之水八百里一船過渡十斗米巨瀾時時能覆舟多
少白骨堆湖底我來三月上長沙岳陽樓下興方賒江豚突吹
山獐嘯千舸萬艘盡停擢壯年豪氣挽天河揮袂欲與波臣傲
纔入洪濤日色冥飛帆瞬息到湖心湖心浩瀚無涯際水色天

巴陵縣志

卷之六十四

洞庭集上編

詩

五

光連一氣四顧煙封不見人翻疑世上更無地倏驚西北起風
雷勁如萬馬奔騰來層峯雪浪兼天湧一葉孤舟指顧摧長年
老丈飛魂魄哀顛聲聲叫水伯平生忠義膽不輸開弓一箭波
開坼挂帆無恙狂風止倔强書生竟不死滿船乍覺笑顏開回
首一想翻愁起寄語柳將軍湖上千秋號水神胡爲悶
坐君山裏水怪妖氛不一巡旌陽山人去雖久斬蛟化蟒豈無
倫不然精衛之鳥能填海一杯勺水刻可改秦皇之威能驅石
鞭策荆衡在咫尺莫將白浪任縱橫歸來好看湖山碧

楊州彥

字宣樓湖北當陽人

夜渡洞庭

湖闊含風廣輕帆斜可張客心搖暮樹魚浪駭孤檣月上臨波
碎星低入水長夜寒秋較老遙憶芰荷裳

朱丕戡

洞庭湖權歌三首

白馬磯前湖水深白笛山頭鐵笛吟忽聽女兒唱歌去山長水
遠杳難尋

綠叢青筠碧灣邊初熟黃梅雨滿天結得青絲千縷網還須折
柳串銀鱗

岳陽十月不曾涼雷未收聲虹未藏昨日江南新到客白羅衫
子葛衣裳

巴陵縣志

卷之六十四

洞庭集上編

詩

三

謝濟世

字石霖號梅莊廣西全州人康熙壬辰進士官至湖南糧儲道

洞庭湖

淼淼洞庭波扁舟幾度過未知身是蟻馬識郡爲柯四面天連
水中心鼇戴螺兒童莫驚駭大塊一微渦

高文洙

山西人康熙中官辰州同知

過洞庭湖

萬頃空無際波光欲到天山川帆外盡日月鏡中懸急浪如奔
馬孤舟欲站鷺一身勞百慮對此正茫然

歐陽暹

字子晉湖北漢川舉人康熙中官華容教諭

渡洞庭

萬水湖光碧晨煙乍有無鷗同青嶂小舟與白雲孤天地開名勝魚龍宅巨區凭窗時一笑直擬到蓬壺

楊枝建

湘陰人康熙乙未進士官山東海豐知縣

洞庭秋月

平湖印秋月秋月臨湖浦浦泛有長消月明無今古射破蛟龍窟照徹神仙府况復時八月嬋娟正三五微颺蹙金鱗乾坤一氣聚纖芥浮君山秋毫見夢渚我登岳陽樓目極九江滸何處仙籟幽湘靈瑤瑟鼓

南炎發

字璞子康熙拔貢蘄水人官中書有亦吾廬助蟲吟等詩集

過洞庭

巴陵縣志

卷之六十四

洞庭集上編

詩

三

細雨乘風疾揚船過洞庭煙光千頃合斜照一帆停鷺起波同白峰遙眼共青芳洲留泊處身世總浮萍

宋來會

字清源雍正癸卯拔貢著有近思齋詩

過青草湖

青草湖連洞庭湖天闊蛟窟猶龍居南紀九江羣匯此建瓴之勢相灌輸時當春半桃花發混茫不辨岸有無千尺怒濤拍天起萬斛舟若風吹蒲荆門郢樹光搖曳湘潭嶽麓聲吸呼浩浩楚甸幅隕廣界以巨浸南北殊東邨西靖地更遠居人不識鄂渚區或緣名利輕跋涉經年思險長咨吁吁嗟此湖不可渡我昔曾向長沙路春雨絲絲水漫漫片帆直過湖南去南去經三

千里道彎環今又渡青草信宿湖中塞鴈鳴荻蘆歷亂秋光老
秋光老我欲歌臨風把酒喚奈何獨立船頭覘浩派視險不險
殊委蛇誰云洞庭周回八百里中處天地如旋渦不然東去試
觀滄溟大蕩雲沃日孰與多

恭肅字思敬
滿洲人

舟過洞庭

洞庭八百渺無際今夕潮平舟易濟殘日光輝映水明微風蕩
漾吹波細榜人爭渡遍中流閃閃漁燈驚宿鷗夜半啟窗迷泊
處鴉唳霜落滿湖秋

李鐠字鐵君漢軍人乾隆丙辰薦試博學鴻
詞復舉經學有曉巢集曉巢後集尚史

巴陵縣志卷之六十四洞庭集上編詩 畫

洞庭秋月行

沙棠之舟木蘭楫淺塘曲渚紛相入涼風拂水水欲波洞庭無
人愁柰何此時片月當人起哀猿苦唳唳不止何處參差吹夜
闌相思移注繁聲邊金幢翠蕤驕不前九疑滴滴空翠寒夜久
風吹月西墮欲墮不墮曲入破

袁枚字子才號簡齋浙江錢塘人乾隆己未進士官江甯知
縣枚少未第時曾之廣西過洞庭晚年復來湖南前後

詩有

過洞庭

秋老一峯晴巴船過洞庭水搖天地白山入混茫青雲氣飛蓬
背霜花落鴈翎今朝吟不得窗外有龍聽

過洞庭湖水甚小

我昔舟過洞庭煙萬頃琉璃浪泊天我今舟行洞庭雪四面平
沙浪影絕昔何其盛今何衰洞庭君笑來致詞請君將身作水
想消息盈虛君自知君昔來遊可有胸吞雲夢意君今來遊可
是心波不動時春自生冬自槁須知湖亦如人老

傅顯

洞庭歌

昔聞洞庭之水八百里煙波浩渺茫無底雄吞七澤與三湘青
草赤沙相表裏萬千氣象連朝脯浮沈隱見涵洲泚我來挂席
颺扁舟天空湖淨當中流一痕淺黛見山髻幾處跳珠翻白鷗
巴陵縣志卷之六十四

洞庭集上編

詩

畫

忽然馮夷駭鼉鼓高捲浪花如雪舞船首低昂倏丈餘篙師叫
絕顏灰土余時默禱洞庭君險夷身世隨浮雲大塊噫氣亦常
有魂悸魄動徒糾紛何不鞭龍驅罔象使我快觀全湖真須臾
銀山皆平落風伯揮旗返蛟靈劃劃陰雲露蔚藍崦嵫晚日明
林薄一水仍開寶鏡光數峯依舊芙蓉削怒濤過眼卽漣漪莫
道今番風信惡嗟哉淨世多洪波人心焉得平無頗往來瞬息
或變幻所向誰爲安樂窩但期胸次極平易雖履險境堪逶迤
君不見古來賢者貴忘已虛舟之觸無人呵

吳鴻

字頴雲號雲巖浙江仁和人乾隆辛未進士第一任湖南學政

洞庭湖歌

大湖何渺渺乃在巴陵之西瀟湘之東奔流會九水積氣涵鴻
濛汪洋演迤八百里日月沐浴經其中上有湛湛虛廓之青天
下有百怪譎詭之靈宮黃河東走不敢敵直與滄海分元工朝
開遠煙碧夕射流霞紅老蛟鼓鐵笛軒帝磨青銅陰晴明晦各
異狀但見雲濤滉潏點點飛征蓬曉發湘浦暮臨巴峯遠洲滅
沒高樓龍嵒湘君之山貌獨立翠鬢十二青朦朧九疑雲氣望
不極至今清淚畱斑叢何況涇水姝霧鬢傷丰容錢塘一怒雷
霆發柳生座上真豪雄咄哉書生作水伯母乃別有精靈通古
今荒怪類如此奚論樓上恍惚餘仙蹤高振雲中衣俯納萬里
風生不願明璫綃縠笑語逢亦不願白雲黃鶴凌虛空江湖天

巴陵縣志

卷之六十四

洞庭集上編 詩

美

遠百端集懷古忽復心忡忡范公作記元氣融高壓詩筆張燕
公風煙千態入毫素憂樂萬古蟠心胸我心何爲不古同長安
極北雲山重便欲呼吸一氣訴真宰長與湖水吐納無終窮

周錫溥

號麓樵又號半帆湘陰人乾隆乙未進士官甘肅甯朔知縣

洞庭舟次

洞庭歸棹起神鴉稍喜湘山望有涯落木始波兼細雨片帆秋
影帶孤霞蘆肥洲渚漁成市橋足鄉園酒易賒明聽北風人喚
渡一灣清淺是長沙

李樹穀

河南夏邑人舉人乾隆末官華容知縣

夜渡洞庭

岳陽樓下片帆開直走長風疊浪堆萬里雲陰遙夜積四垂天
水一舟來浮空雨氣龍鼉上震耳濤聲霹靂迴才到凌晨湖已
過碧湘入目興悠哉

陶必銓字英江安化諸生
陶文毅公之父

湖上遣懷有作

岳陽之勝在洞庭吞吐岷湘勢浩浩有時朝氣漾晴波倏爾天
風吹若倒層雲四集礮車旋鼉鼉出沒石尤暴浪合千波萬仞
騰舟人震懾落帆早南津有港曲迴濤連檣堆纜咸誼禱遙睇
君山不見青九馬九龜橫絕島後船衝颺舵難迴咫尺天涯憑
大造我生數數過重湖幾回涉險迷前導蓬窗悶坐計歸程黃
巴陵縣志卷之六十四洞庭集上編 詩 七

陵廟古連青草岸上酒家覆甕空酒香山隱誰尋討攜童散步
入郡城太守興公交有道坐閒有令賢而貧近釋墨綬衣素縞
相偕遣興岳陽樓涵虛一氣歸懷抱坐攬湖天天水連杜詩范
記登清藻又懷湘曲斑竹千條葢湘水長共湘雲依帝子咸池
張樂聲未希為和薰曲吹參差蠻娘悄悄調楚弄君
山縹渺風為送幽情遙寄
洞簫中春花秋月蒼梧濃

李萃字韋坡雲夢人乾
隆舉人官知縣

過洞庭

萬里長江入渺冥半年蹤跡綠楊汀無端更作瀟湘客暮雨寒
風過洞庭

萬法周字象濂一字小莊雲夢
人乾隆副貢官教諭

泊洞庭

七十二峯青揚帆過洞庭懷沙悲屈子鼓瑟弔湘靈天地容吾老江湖滯客星不堪離亂日鼓角夜中聽

張九鉞

字度西湘潭人乾隆丙戌進士官海陽知縣

渡洞庭

船如天上坐淼淼太湖開打鼓黃陵廟招仙白鶴臺九江爭雪入萬木踏風來休上高樓望吾非杜甫才

過洞庭湖

君山相逐扁山飛銀渚斜衝玉磧違湖挾沅江千里動天開雲夢一帆歸鷹邊風急殘年老鷗外濤寒客興微到晚離鷁栖磊

巴陵縣志

卷之六十四

洞庭集上編

詩

五

石爨煙起處射斜暉

大漲渡洞庭

故園小住不可得南風吹我征颿疾洞庭六月天倒流送入峩眉九峯雪黃陵廟前釀酒香鼓聲未絕過岳陽鷓鴣斑竹啼落日七十二峯蒼復蒼湖魚尺半雪貫柳買魚且到洞庭口長空淼淼鐵笛來遙勸雲中一杯酒流行坎止理自然胡為冒險隨長年湖光向夕平如練醉酌紅霞待月眠

張九鐔

湘潭人乾隆戊戌進士官翰林編修

巴陵守風

重湖望斷岳陽煙汉口縱橫繫客船吹笛正當明月夜吟詩多

狂阻風天厨人撥火催茶熟稚子開潭試網鮮休把寒更催宿
鷺相看俱是不成眠

吳樹萱

字少甫江蘇吳縣人進士官
中書乾隆癸卯湖南副主考

守風鹿角三日偕徐湘浦同舟風定放棹逾刻卽次岳陽
賦此以志回輶之興四首

三朝風信阻黃牛鹿角風前使者舟忽聽雞聲催喔喔五更漁
火笛烏頭

東南吳楚盪空舫一霎煙波過洞庭欲與江天分主客重來長
揖曉山青

書畫同舟望若仙四圍攬盡楚南天誰將北苑圖中意寫出蒼

巴陵縣志

卷之六十四

洞庭集上編

詩

五

茫萬頃煙

城頭塔影在空濛無數帆檣落鏡中一隊鷺鷥飛不定蘆洲水
淺雨花濃

錢澧

字東注號南園雲南昆明人乾隆辛卯進士官通政司
副使癸卯以本官兼湖南學政三年屆滿奉旨畱任
丁憂歸服除北上以吏議降主事
特旨以員外郎補用旋擢御史

洞庭阻淺示舟子

岳陽三日西北風碎雪挾勢翻窗篷高桅冰膠挽不得長年縮
手誰鳴功昨朝東風倏轉旆火急揚帆入布袋至斗口如羝觸
藩不能遂亦不能退竭誠拜跪禱湖神湖神愁絕力難伸眼看
南風卷水去湖底垠堦盡豁露幸閣平地幾人舟但爲欲炊無

米愁幾人號哭舟破損縱然炊熟難入喉使者命窮多致災慚
負汝曹隨我來風回水長定何日虛意忍饑將權回幸餘一說
聊命筆民是天民天自恤我與汝曹俱一民且共攢眉待明日
泛湖

岳陽城下鼓蘭橈路轉君山去復遙水落沙洲相次長冬深木
葉未全凋客懷曠世徒悲屈 帝運中天久格苗長鱷巨鯨俱
穩睡不憑風浪惱漁樵

湖上

湖上秋風秋月高陽侯欲上試風濤半樽濁酒禁清夜八月新
寒滿舊袍閩海征師煩一旅荆河饒道續千艘慚叨豢養空增

巴陵縣志

卷之六十四

洞庭集上編詩

李

歲宵旰甯分 聖主勞

阮元

字伯元江蘇儀徵人乾隆己酉
進士官至協辦大學士諡文達

日出洞庭湖

日出洞庭湖蒼茫圻楚吳星河隨夜去雲夢入天無曉色非南
海鄉心比具區秋帆向沅浦猶恐失桑隅

吳俊升

字宅三號芷泉沅江人
乾隆辛卯進士授編修

望洞庭

洞庭遙入望千里浪翻銀渺渺巴陵道沈沈夢澤春江山雄霸
國草木怨詞人挂席斜陽外乘風欲問津

趙又昂

洞庭秋月

疑是湘妃鏡入波光蕩漾秋來九水明湖底連天上

查禮

字甸叔號儉堂宛平人乾隆十三年由監生為戶部主事官至湖南巡撫有銅鼓書堂集

月夜再渡洞庭將曉風狂幾不得近岸

三年經兩渡一葉去如梭月小光無際湖寬水自波不知天遠近數問夜如何破曉驚風驟披襟且放歌

夜泊岳陽口占

頻渡湖湘客思多岳陽樓上洞庭波空江殘夜無漁火寒月滿

船聞櫂歌

宋維藩

字瑞屏烏程貢生有滇遊遊歸等集

巴陵縣志

卷之六十四

洞庭集上編詩

三

渡洞庭湖

天雞喔喔啼前川榜人決起驚扣舷南風吹帆健如鷗朝霧欲塞無由緣風來霧散雲解駁輕帆獵獵凌蒼烟東西南北浩淼不可辨但見天宇四蓋雲無邊日華朕朕射不得一一碎作青紅鮮空明一氣莽迴盪浪影直撼浮浮天不知洲渚更何處惟有風檣萬點點水如飛鳶而我輕舟獨容與蒲帆安穩高聳吟詩肩君山巖嶂洲外小孤城樓櫓雲中懸舟子相呼各致語日正亭午當空圓百八十里頃刻耳要是神力人奚權君不見舟中之人髮半白讀書說劍今廿年青衫破盡不得換曳裾歲走公卿前平生舉足與世迂失計復落滇雲顛歸甘藜藿為念

毋此意豈謂天公憐浮江涉漢路正遠願守忠信輕濤淵酬神
共許飽神德檣頭得食飛鴉還呼童取酒酌罷詩亦就日影西
下正透蓬窗妍

歐陽輅

字礪東新化人
乾隆甲寅舉人

泊洞庭同履原方止醉後放歌達曉

我行湘中望湖口經旬煙雨相冥濛朝來天氣得新霽一洗雲
霧留清穹舟人喜甚棹謳發巨檣貫鎖牽雙戩中流帆腳始東
轉已見危堞撐晴空翩翩少年鄭與謝好客頗有前賢風憐我
南遊歲月久喜我疏坦心懷同長江日暮客船集置飲葭菼蒼
茫中大卮屢舉喚行酒綠波引滿葡萄濃江魚味美白如雪
巴陵縣志卷之六十四

洞庭集上編

詩

空

以椒芥和霜葱菘牙菰首晚更脆冰盤滿眼堆龍從大江西來
納眾派鼓盪元氣搖鴻蒙巴陵對酒望秋月萬頃一碧光玲瓏
人生如此不成醉忍使斗轉參橫東興來一舉盡百瓊有似積
水奔長饒更闌霜冷眾客醉我亦眩眼生青紅船頭醉臥君勿
哂君看落月猶朦朧

北上泊洞庭聞雁

寂寂山城晚遙天一雁過重尋京國夢又值洞庭波佳節中秋
近新涼昨夜多憐君更南去長路莽關河

陳士杜

字鶴舉長
沙布衣

題費雪漁洞庭雪釣圖

滿天風雪一漁舟望裏君山訝白頭閒向短篷吹鐵笛梅花飛
徧岳陽樓

伊秉綬

福建甯化人進士嘉慶戊午以刑部員外郎爲湖南副考官

湘江竹

洞庭渺無際天末見修竹風聲動微波秋氣森寒玉一聽水龍吟何處仙鸞宿不傍堯女祠爲誰娟娟綠

韓對

字桂船江蘇元和人拔貢生嘉慶初官岳常澧道

渡洞庭

劈箭挾長風茫茫萬頃中波搖大地轉氣混九江空屈賈魂何在英皇恨不窮故教排雪浪噓吸古今同

巴陵縣志

卷之六十四

洞庭集上編

詩

三

吳嵩梁

字香雪江西東鄉人官中書以詩名乾嘉間有香蘇山館詩鈔

夜泊洞庭

洞庭之山插湖中洞庭之水流天外千里一氣合混茫七澤三湘此交匯嶽雲縹緲蒼梧陰九疑山多殊向背一丸積翠小如螺岳陽樓恰君山對夜深月出煙水空浩浩萬頃波瓌風似聞錦瑟彈湘靈哀絃古調難爲聽海內故人多契闊思之不見今白髮扣舷中夕歌離騷一枕仰臥青天高

謝黃俊民觀察寄祝君山茶味如諫果初

回後香在梅花半吐間

劉濟

洞庭漁歌

輕舟逐水等飄萍長日生涯在洞庭還趁晚涼頻下網歸來搖
動一湖星

袁名曜 字道南甯鄉人嘉慶辛酉進士改庶吉士授編修歷官翰林院侍讀

壬午秋過洞庭

振古此重湖浮生寄太虛乾坤容我贅老病信舟孤水落山皆
峻霜輕葦早枯昏鴉棲未定堪笑是饑驅

柳廷方 字垣田長沙人嘉慶戊午舉人

湘江詞

湘江城外草如煙湘江城下水連天昨日東風今日雨行人愁
上洞庭船

巴陵縣志 卷之六十四 洞庭集上編詩 畜

陳圭 字蘭莊攸縣舉人嘗掌教岳陽書院岳人為詩者皆師之

臨洞庭

一粒浮湘水微波起岳陽南來疑地盡北望覺天長混沌誰開
闢蛟龍自遁藏酒香山不見煙月迴蒼蒼

吳榮光 字荷屋南海人嘉慶己未進士官湖南巡撫

洞庭湖

千波流到此波平孤棹微茫鏡裏行三楚風雲歸汗漫萬年天
地與澄清曾經澤畔聞瑤瑟欲遡陽阿擁翠旌湘女湘纍皆寂
寞滿湖芳草古今情

熊士鵬 字兩溟天門人嘉慶乙丑進士武昌府教授有鵠山小隱詩文集

洞庭秋泛圖

不知洞庭水今見洞庭船之子此中去湘娥何處邊君山有秋色烟樹亦蒼然誰鼓雲和瑟乘風上遠天

陳沅字秋舫一字太初蘄水人嘉慶進士官修撰有簡學齋詩賦全集

洞庭秋舫圖白題

一夜客無睡秋湖風不波船從漁父借月到洞庭多鼓瑟湘妃怨鳴舷屈子歌樽前含萬古不飲柰愁何一白浩無際夜中天地清卻看孤魄滿分作兩湖明帆遠猶無影酒香何處城醉時閑看畫猶認是前生

沈道寬字栗仲大興人嘉慶二十五年進士湖南桃源縣知縣著有話山草堂詩文鈔

陵縣志卷之六十四洞庭集上編詩 奎

過洞庭湖有感

獵獵風帆疾扁舟向洞庭天容垂水白草色過湖青邊渚看鴻鴈遊原感脊合孤飛兼旅宿聲斷不堪聽

口號

清曉鳴榔聽櫂歌湖光平似鏡新磨煙消霧斂朝曦出照見山頭翠堵坡

李大本

洞庭秋月

神女珠浮晃太清流金漱灩盪虛明孤光滿載煙波舫涼色斜侵水國城鶴鶴翔還織翳淨魚龍臥寂細濤平片雲疑有飛仙

度長遞湖天玉笛聲

余昌穀

臨湘布衣工詩

洞庭湖

千秋諸派匯一瀉百川同巨險開邊徼雄藩障楚中魚龍蟠大壑風雨失長空極目安瀾處青山砥柱雄

洞庭湖看月歌

長風浩浩波聲急平湖一帶中心碧水底蟾光劃影寒四圍暮靄沿邊黑此時有客泛孤楫倒臥蓬窗看水白碧天雲影卷以舒跳波泮泮晶光射銀漢遙飛瀑練來金壺倒瀉瓊瑤液誰破紅鑪百煉丹皚皚流汞爭跳擲太清何處著秋毫置身已在廣巴陵縣志

卷之六十四

洞庭集上編

詩

空

寒宅我聞顧兔聚成精如何七寶相凝積八萬三千斤斧修天工居然藉人力又聞嫦娥竊藥奔林中蝦蟇尤恍惚茫茫是非誰得知談天難問成都客是時木落江湖闊白浪飛翻豎素壁魚龍起舞簫鼓鳴銀濤白馬當風立湘妃神女倏而來金支翠旗紛絡繹縞衣三人動光彩藐姑仙子殊明嫿其餘雜遝涉洪流羽衣霓裳相拱揖雲車風馬轉眼空山鬼蕭蕭風雨泣一聲欸乃出塵寰岳陽樓上聞吹笛

朱景英

未詳蓋浙江人

爲胡貞三題洞庭秋月圖

我是洞庭老漁父一年不見洞庭月忽從素壁對新圖千里清

光照華髮清光在紙不在天乾坤吳楚終茫然岳陽樓頭鐵笛
裂岳陽城外狂波顛笛聲波聲夜相薄木葉蕭蕭霜氣落中流
無聲輓轡轉一輪湧出湖天廓天垂四角湖心高高處有月沈
秋濤老漁不跳鮫不舞一髮君山淨如許客燈漁火迷離閒白
墮蘆花溼雙艫五兩乘風自在行今宵趁泊岳陽城有人喝月
一開口豪奪城邊水氣橫我夢鴛湖接茗雪給牒春風坐白裕
翁偏愛我洞庭秋尺幅移來日相狎吾家釣師小長蘆去人已
遠煩招呼幾時與翁同握手看月一醉巴陵酒

陳樂光

字太霞武陵人道光壬辰舉人官善化訓導

洞庭湖

巴陵縣志

卷之六十四

洞庭集上編

詩

七

鼎湖神火鑄蒼冥廣樂曾張古洞庭已斷笙簧惟月白如聞吟
嘯見山青波涵蚌腹珠帆闊雲隱龍髯水氣腥寶瑟不鳴誰嗣
響江天回首望湘靈

李國鏞

字笙友臨湘人居郡城布衣工詩

秋夜望洞庭

漢月通天清秋光萬頃生遣愁聊出戶望遠復登城渚拓蒼煙
影江空逝水聲忽驚蘆荻岸時有雁鴻鳴

曾傳薪

字謙山衡山人舉人官湘潭教諭

洞庭湖

秋老湘南八月天重湖入望漲無邊蒼茫江水來三峽隱約君

山露一卷煙裏挂帆烏送客樓頭吹笛鶴騎仙孤城日夜波濤
撼誰是吟詩孟浩然

李星沅

字石梧湘陰人道光壬辰進士官至兩江總督諡文恭

月夜渡洞庭湖

朗吟飛過亦仙乎上下天光萬頃鋪淨掃煙雲出明月倒含星
斗入重湖往來頗欲頻年數清妙曾如今夜無一髮君山半船
夢南歸補畫洞庭圖

洞庭湖

一碧盪湖水軒轅何處臺山危孤髻聳風定萬帆開雲影擘飛
絮天光入酒杯魚龍須穩護行子曰邊回

巴陵縣志

卷之六十四

洞庭集上編

詩

奕

題洞庭春泛圖

洞庭之水春茫茫照耀日月金銀光中有仙人雲錦裳片帆飛
挂君山蒼重湖遼絕曷可量澎湃入百阻且長襄陽欲濟徒徬
徨月明垂釣歌滄浪天爲巨川作舟梁蛟龍灑雨崑崙岡甕社
清波探琳瑯曲江宴罷簪銀黃郎官有酒酌一觴雙鳧南渡湘
之陽偶爲安流駕舸艤春漪漲碧荃橈香乾坤吳楚要熊荒江
湖廊廟心皇皇自來沅澧迴披猖潭州一葉飄慈航我亦龍門
首昂藏五年待渡津亭傍安得同舟與頡頏浩歌擊楫神飛揚
鴻毛萬里隨風翔赤城霞起搏扶桑

鹿角守風

湘陰三日雲濛濛雪濤怒賊馮夷宮千山萬山一呼走騎聲雜沓
鳴錚鏦榜人咋舌不敢近危沙倚石停孤蓬餘波盪激與舟抗
赤兕礪齒鼉鼉衝坐者幾側臥者醒白晝偃息如秋蟲硯池欲
凍管城老楸枰那復爭雌雄忽持大酒酌湖曲湖心奉作琉璃
鐘醉起推窗拔劍舞流星閃鑠雙飛龍萬里之行出門始會須
破浪乘長風何來鹿角數延伫柳毅井水魚鱗通洞庭明日朗
吟過布帆直指巴邱東

鹿角守風寄巴陵諸友

十日拏舟九日停重湖畱滯幾曾經春浮楚塞波痕綠雨洗君
山石氣青何處投書尋柳毅中宵鼓瑟怨湘靈岳陽酒熟拚同
巴陵縣志卷之六十四洞庭集上編詩 堯
醉那得飛吟過洞庭

羅汝槐字硯生善化人舉人

上巳舟過洞庭用陸放翁臨川道中韻

別愁忽共春水生湘煙湘雨遲吾行眼中乍弄鄉國影耳畔已
飽風濤聲別愁復與天氣新江花江草爭迎人遙山縹緲貢奇
態綠野蒼茫浮遠春水師促發猛如虎三日長沙過岳府悠悠
去路預難期了了來程默堪數我望長安西向笑卻值流楫懷
逸少重湖聊作曲水游竟不登樓人不料遙望岳陽樓舟子不肯泊高原卻
上心茫然隱隱墟煙生夕天踏青舊侶儻相憶舟泊荆河野渡
邊

魏源 字默深邵陽人道光甲辰進士官邳州知州

過洞庭三首

積水何年始下連南極深縱浮吳楚去難盡屈原心萬古魚龍
氣中宵鴻雁音何須萍實獻江海放臣吟
瀨矣東南國能容此大川湖吞江作海地盡水爲天鷗鷺雙蓬
梗乾坤一釣舷舟中樓上客同夢九霄眠
未會羣流淼沅湘各自雄及茲崖岸盡始覺水天同眇化斯無
外形忘會太空汪洋萬頃際今悟至人胸

洞庭吟

楚狂泊舟風烈烈更上岳陽望湖月樓頭有客請我吟軒樂湘

巴陵縣志

卷之六十四

洞庭集上編

詩

七

靈休勦說客言天地缺東南匯爲巨浸恣汪洋涵年年橫溢出江
左水氣蒸爲雲氣酣漢潦破圩如破堞江潦潰隄如沃雪湖潦
浸田如浸月六郡萬家供一決不知五行何占設無乃堯年逢
降割我謂客言意深苦未暇議今日陳古自昔楚藪夸雲夢幾
見洞庭登禹貢今日楚藪稱洞庭遺蹟何處尋雲夢水鍾三湘
矢七澤自古滄桑多變易遂以九江誣洞庭那識長江舊橫闊
荊州九穴十三孔今惟二穴餘皆壅地不讓水水爭地仰孟受
灌建瓴湧沿湖圩田歲增歲曲防壑鄰占地利何況老林秦蜀
開下游沙塞洲渚迴更加夏汎蛟水至萬馬孰禦風濤雷鳴乎
八百里湖十去四江面百里無十二安能塞川川不潰九穴須

復九江初七澤請仍雲夢瀆以川還川湖還湖那患陰陽妨陰
噓樓下帆檣吳楚送樓上鐘魚傍晚動雄譚空喟賈長沙憂樂
江湖復何用王申志按默深此詩以雲夢當洞庭而謂別無雲
夢此據舊九江說也是不足辨而言沿湖圩田之
害則是矣
故錄之

何紹基字子貞道光丙申進
士官翰林院編修

過湖

千帆如鷺白紛紛飛向湖中踴浪紋大水來觀八百里輕舟直
渡萬重雲山痕畫伏蛟龍影雨氣寒凝鶴鵲兵傳言洞庭王有
烏鵲兵三千
軒樂不張魚鳥靜江天寂寞夜笳聞

過湖餘三十里而泊

巴陵縣志

卷之六十四

洞庭集上編

詩

圭

舟中兀坐如深山閉門讀書無歲年憑陵巨壑乘迴淵一帆兩
槳隨所便昨舟過湖輕如丸南風送客何閒閒迴頭忽欲騁媚
妍計程過半功未全敬巖繫纜箭狂絃平生吸酒如吸川願與
馮伯爲周還湖光酒色相接連酒杯煖勝湖波寒湖中老龍夜
不眠波濤澎湃如鈞天人聲水聲雜悲歡擲杯起立不自安笑
謝龍公觀止矣嘆喟自愧儒生酸

次日晨起知已過洞庭喜甚口占一絕

曉寒白浪高千尺柔櫓一枝搖過來夢醒忽聞舟子語岳陽樓
上禮仙回

舟泊湖口

瀲灩重湖口蒼茫古渡頭櫓聲多似雁人影小如鷗歲熟魚偏

賤山晴樹未秋神仙不可遇懶上岳陽樓舟中雜詩雁聲淒絕不堪聞五夜衝風恐

失羣煙水茫茫天似墨一江寒雨弔湘君昨日題詩湖上樓湘沅波入大江流今宵已作荊州客對岸青山是岳州

傅垣字野園號星城漢川人

重渡湖南

老大飄零類轉蓬頻年涉險悵途窮重尋秋草湖南渡又逐隨陽塞北鴻一葉扁舟凌浩渺九疑煙岫寫空濛天涯多少傷心淚遍灑湘雲夕照中

洞庭舟次懷希甫暘川

萬山春盡子規啼一葉輕舟下五溪行到洞庭回首望蒼煙落

巴陵縣志卷之六十四洞庭集上編詩 三

日滿黔西

陳鍾英

洞庭

白雲明月滿前津銜尾帆檣日日新江漢百靈朝帝子沅湘千古怨騷人茫茫樹色皆如霧寂寂芳蘭不見春欲託微波問消息桑田滄海漫成塵

張啟鵬字蕉泉長沙人舉人著有梅墅詩鈔

洞庭秋月卷子為郭萃安作

涼月照滄海蛟龍不可尋重湖下落葉孤夜入蕭森舟去瀟湘迴愁來天地沈知君多古意圖畫豁幽襟

鄒湘侗 字資山新化人湘鄉教諭著有雅雪園詩鈔

渡洞庭湖

莫憚重湖道渺茫征颿駛泛洞庭航煙波浩浩涵秋氣山樹青
青鬱水光樂奏鈞天方歇響杯邀朗月不停觴今來古往流無
極憑弔騷情倍激昂

巴陵舟次

夜醉巴陵秋氣清蒼梧煙水入長吟一樓風月誰賓主九派源
流自古今憂樂空懷當局事湖山猶繫故園心詰朝鼓櫂從茲
去江上青峯深復深

黃文琛 字海華漢陽人著有思貽堂詩集

巴陵縣志 卷之六十四 洞庭集上編 詩 三

過岳州風利不及登岳陽樓

阻我登臨興高樓望眼中乾坤終古在憂樂幾人同飛鳥點空
碧遠山藏晚紅片帆泊不得直指洞庭東

過洞庭湖

二十五日天南風火雲狂煽湖波紅畱行不前更多暇蜚廉或
頗哀龍鍾今日風定減鬱熱鼓人歡笑敲圓銅搖兀艣唱踏波
去長繩一綫牽遙空欲左欲右相所止杈榭下石鏗筠籠干推
萬轉呼努力枝撐四出車當中疾疾旋蟻敢遑處團團磨驢僉
來同四十八纜誰數計飄如落葉東復東兩見赤月出還沒水
天欲曙煙冥濛髻螺十二忽到眼馬觜鹿角奔羣峯我聞九州

此最大幽潛怪異多頑兇過者兢惕輒望拜僥垂鴻祐煩神聰
手口有禁凜無犯千年闕幄遮金容往往出盪大陰晦星冠珠
袖驅魚龍仙樂震駭雷雨下衣苔帶藻紛追從區區未禱幸安
穩是蒙呵禦非人功快寫新詩自娛慰年年槎客誰爲雄展誠
一酌巴陵酒登樓去訪黃衫翁

胡兆春

字東谷漢陽人舉人
著有尊聞堂詩集

洞庭湖阻風紀異

我聞洞庭水西更闕於東小湖齊趨赴國大多附庸東徂值仲
秋西還迫季冬冬寒澤腹枯豈復肆強梁那知陽侯惡餘怒未
肯降長風扇巨浪助虐箕伯狂日星無顏色天地爲低昂我舟
巴陵縣志

卷之六十四

洞庭集上編

詩

古

輕如葉一毛落飛鴻欲止無所麗欲行靡所從弄潮諸健兒皆
呼怖殺儂泊者籜有二聯木如堵墻外支鼇足拄中起龜背穹
首尾相銜接不可以丈量窘急抱佛脚拏舟纜其旁桐魚倚石
鼓激薄浪聲撞榜人顛子笑渠爲儂保障無事且晝眠安枕待
順風接繫未足恃况此孤懸空朽索控六馬馬逸誰能纏齋心
禱溯神真宰訴鮫宮管甯渡每危惟自省厥躬此行爲饑驅辛
苦訴三湘非希要路津曳裾干侯王老聃謹守雌意氣敢自雄
願神一垂照此叟已龍鍾微軀不足飽無使鰐牙張賜以一帆
風送我漢之陽夜夢兩元蛇其大與臂同蟠結如轉環我足插
其中俯視亟驚起疾如鳥脫籠却立一回顧不見蜿蜒踪相去

咫尺間臥地兩巨龙大者態雄傑修毛森茸茸小者仰首視
睽睽黃金瞳一人叉手語彷彿見形容君無輕此犬乃是雙飛龍
踟蹰未之應夢醒眼朦朧危坐自忖思嘿然心口商神兮將我
禍幸免鱗爪傷神兮爲我福呵護辟不祥賤子何人斯此惠豈
敢當落落風塵內覲面不相逢蹇修來鳩鳥彈弋多射工楊朱
與阮籍往往泣途窮何意神眷渥境隔志意通狂瀾爲之衛遣
此靈物雙始知神祇異正直而明聰欣懼方交集傍人叩蓬窗
今朝風色佳舵尾水淙淙揚帆出湖口放舟下漢江

補錄

唐

巴陵縣志

卷之六十四

洞庭集上編

詩

七

常建

野
尉

湘中晚霽

湖廣舟自輕江天欲澄霽是時清楚望氣色猶霾躑踟躕金霞
白波上日初麗烟紅落鏡中樹木生天際杳杳崖欲班濛濛雲
復閉言垂星漢明又覩寰宇勢微興從此愜悠然不知歲試歌
滄浪清遂覺乾坤一肯念客衣薄將期永投袂遲迴漁父問一
雁聲嘹唳

李羣玉

覲
集前

洞庭風雨二首

面南一片黑低起北風顛浪潑巴陵樹雷燒鹿角田魚龍方簸

蕩雷雨正暄闐想赭君山日秦皇怒赫然

巨浸吞湘澧西風忽怒號水將天共黑雲與浪爭高羽化思乘

鯉山漂欲抃鰲鳥陽猶曝翅真恐濕蟠桃

許棠見本集前

洞庭阻風

空江浩蕩景瀟然盡日菰蒲滿釣船青草浪高三月渡綠楊花
撲一溪烟情多莫舉傷春日愁極兼無買酒錢猶有漁人數家
住不成村落夕陽邊

顧况姑蘇人著作郎

湖中

巴陵縣志

卷之六十四

洞庭集上編

詩

七

青草湖邊日色低黃茅瘴裏鷓鴣啼丈夫飄蕩今如此一曲長
歌楚水西

張說見前

同趙侍御乾湖作

江南湖水咽山川春江溢入共湖連氣色紛綸橫罩海波濤鼓
怒上漫天鱗宗殼族嬉為府釣叟眾師利焉聚欹帆側柁弄風
月赴險凌深繞灣浦一灣一浦悵迢迢千曲千澁悅迷哉乍見
靈妃含笑往復聞游女怨歌來暑往寒來運洄洑潭生水落移
陵谷雲間墜翮散泥沙波上浮查棲樹木乍暮飛霜下北津今
朝行雁度南濱處處溝港清源竭年年萑葦白頭新天地盈盈

尚難保人間倚伏何須道秋月晶晶汎澄瀾冬景青青步纖草
念君宿昔觀物變安得踟躕不衰老按侍御卽趙冬曦冬曦滯湖詩序云湖冬涸爲野也

宋

劉敞見本集前

望洞庭

洞庭七百里浩蕩敵溟渤雲夢開其胸巴陵東喉舌東流匯羣
川盛漲五六月飄飄浮乾坤倚蓋低兀臆吾行寰海間未見此
水闊峽流下衣帶島嶼盡毫末高秋卷氛翳兩涯浴日月何得
徑寸珠晦明互出沒蒼茫蛟龍宅溷雜魚鼈窟太古到于今沈
潛孰分別風帆引北極波浪限百越國絕南顧憂獻琛各通達
巴陵縣志卷之六十四洞庭集上編詩 七

山川非一險此實輔明哲俯笑三苗愚竟爲獨夫滅遠遊世俗
隘偶此耳目豁浙瀝臨清風滂沱濯炎熱蕭蕭霜林暮藹藹芳
草歇壯觀激我懷當歌意復咽寂寥軒轅樂萬古逸響絕慘淡
虞帝魂九疑莽嶸嶸况聞屈賈輩各賜楚漢珉至德無復還後
王寢衰缺滔滔更南征鬱鬱抱怛怛太湖雖云深未救懷古渴
按公又有張樂洞庭詩聞昔軒轅帝時巡臨洞庭咸池備廣樂南極輝威靈至樂均夷夏希聲入窈冥江湖亂魚鳥宇宙激雷霆會有馮夷舞還令楚客醒遺音不可學逝近向東溟

陳與義見本集前

晚步湖邊此首已見雜識九之二集

客閒無勝日世故可暫逃杖藜迎落照寒彩偏平皋夕湖光景

麗晴鶴聲音豪天長蒹葭響水落城堞高萬象各搖動慰此老
不遭楚纍經行地處處餘離騷幸無大夫貴得伴諸子邀終然
動懷抱白髮風中搔

王十朋 字龜齡樂清人高宗時擢進士第一累官龍圖閣學士嘗自知饒州徙夔又徙湖州蓋往來過岳也

洞庭阻風用韓昌黎韻

月行南箕口簸揚不肯休我至洞庭側狂瀾阻行舟東望岳陽
城一葦宿可投吾欲破巨浪試呼舟子謀舟子笑謂我官豈乘
浮丘同行一二官好勇豈仲由君子不行險少遲勿煩嗽明朝
風自定鼓棹無憂愁汗顏答舟子汝語非謬悠書以示同行欲
速不可求

巴陵縣志

卷之六十四

洞庭集上編

詩

美

白玉蟾 瓊州人係列仙

洞庭湖

帆腹膨脗飽北風一彈指頃萬山空天垂九馬層雲外人在孤
鴻過影中夙世曾游銀世界飛精復謁水晶宮湖神波吏須相
識吾在神霄舊有功

元

周衡之

湘江吟

天寒楚雲淨水落湘山幽空江夜來雨水滿蘆花洲西風何杳
杳滄波何悠悠有懷誰與言注目孤鴻秋

陳益稷

安南人授湖廣平章政事

遊洞庭湖

洞庭衝風千里濶
摧舟折楫須臾閒
青蛇道士卻笑我
十年年中三往還
輕風飄飄天一環
吟懷浩蕩蛟龍閒
軒轅簫鼓渺無處
萬頃孤月搖蒼寒
巴陵城頭雲漫漫
中流引水繞朱闌
東流到海甯復返
滌雪萬古餘君山
腥風午夜裂千關
龍堆出沒雲濤湍
湘靈歸來珮珊珊
驚見碧海飛金丸

朱成章

游洞庭湖

蛟室無塵夜不關
展開曉鏡照雲鬢
宛然八百水雲際
不是尋巴陵縣志

卷之六十四

洞庭集上編

詩

七

常天地閒石洞酒香
春色好鼎湖龍去樂
聲閒琪花瑤草皆堪
拾何必蓬萊海上山

孔庭植

游洞庭湖

萬頃湖光出翠微
彤雲斜蘸碧琉璃
乾坤混沌浮元氣
樓閣陰晴幻四時
柳井龍歸巖雨暝
湘山木落浦雲迷
何時再共飛仙過
爲借空中鈇笛吹
山擁青螺水自環
分明蓬島在人閒
寒波湧月潛蛟舞
老木蟠空獨鶴還
黃帝鈞天開碧落
梵王金刹隔塵寰
我來喚起湘妃恨
冉冉雲烟淚竹斑

文景陽

洞庭舟中

洞庭水溢欲摧城城下風濤萬馬驚
臥看岳陽樓上月恍如淮海聽潮聲

明

羅倫

永豐人官翰林修撰

洞庭湖

人言洞庭大我言洞庭小
風帆一日程春色有多少
溟海泛蓬瀛混沌闢浩渺
御風摩黃鵠一覽六合了
回首蒼梧雲東南眇方沼

巴陵縣志

卷之六十四

洞庭集上編

詩

六

陳鳳梧

江西太和人湖廣提學副使

過洞庭湖用韓昌黎韻

巨浸納羣流涓滴不辭讓
深廣安可測注目嗟曠放
九江道孔殷夏書審其狀
憶當洪洞時奔潰失所向
神禹躬四載疏導靡餘長
至今地中行坤軸不相妨
上連湘沅清下合岷江壯
浩蕩無津涯容載豈百兩
君山立其中峰高地逾曠
鬢鬢擁青螺霞彩拖錦帳
常登軒轅臺襟懷增跌蕩
帝子今何在斑竹畱悲愴
茫茫百川東狂瀾藉誰障
屹然一砥柱千夫未可傍
南潭北河鄂舟楫分下上
中流簸一葉麼眇等鬯益
方其晴明時水鏡爭涵亮
風恬波不驚遊子若挾纊
及夫陰霾起喜懼異情况
蛟鼉

百怪出洪濤爭滉漾况當夏秋交蜀雪溢新漲清流頓改色混
濁不可望巍巍岳陽樓地迴風景暢登臨自古今羈客滌惆悵
雲山千里遙此身共無恙有時清興發張席傾綠釀浩歌白雪
調郢下誇絕唱憂樂先後心奚論腥與齷范公有遺文千載誰
能忘今晨解纜初風力方張王洵湧湘江深片帆欲排亢行意
吾已決舟人不能誇中流誓端坐誠存白無妄憶昔居禁林朝
回下僊仗曾夢浮洞庭茲游信非誑追惟破公賊武穆真名將
詩家有少陵吳楚品題當屈子抱忠憤汨羅甘水葬侃侃昌黎
子長帆破巨浪前賢多遺蹤愧我未能諒濟川安敢任冒險自
茲創教化期大行斯文忍凋喪山水嘗飽諳詩書乃夙尚南埭
巴陵縣志卷之六十四 洞庭集上編 詩 全

匠石斧誰堪明堂相維船青草湖漁家已宵餉望望黃陵祠安
得一往訪

張治

茶陵州人
大學士

夜過洞庭

曉發吳昌門夕渡黃陵汜日暮江帆遲洞庭三百里微風澹無
波明月照天水隱隱見君山鐘聲翠雲裏樓船坐中流長歌白
波起

李冕

四川劍州人
湖廣僉事

洞庭

湘江蜀江春水來洞庭八百如天開颶風鳴鳴半空吼怒濤捲

雪聲奔雷官船夜半樓前泊臥聽蓬窗風轉惡何由罄我憂樂
懷歸向滄溟把纓濯

孫宜

見本集前

雨霽望洞庭

雨色開丹嶂湖光靜碧波帆檣高並出天水澹相磨興切登樓
賦心馳叩櫂歌午風晴更起吾棹豫愁過

泊洞庭東夜發

水宿聊維棹湖平更接天波濤收遠夕星斗動晴烟路阻相尋
際風驚欲發前繫舟還待曉寒日滿楚川

洞庭歌二首

巴陵縣志

卷之六十四

洞庭集上編

詩

全

樓瞰瀟湘七澤迴郡連巴岳九江開中流日月蒼茫合遠地波
濤浩蕩來

過雨湖波動地寒倚樓沙月映迴欄卽疑蜃氣浮烟海恍訝驪
珠出露盤

王鎔

浙江慈谿人

洞庭湖次唐直閣宋公韻

形勝雄三楚溟瀛冠五湖遠天疑混沌平野失方隅神劍知離
合扁舟近有無軒皇曾駐輦蜀帝此吞吳水府靈光見琳宮暑
氣徂波濤翻凍雪島嶼落秋梧龍女傳書記康王習戰圖禹強
朝起舞海若夜聞呼景物陰晴異人心今古殊登樓仍夙願行

部得清娛授簡梁園賦應推漢大夫

俞振方

洞庭春泛

春來風氣正融和一葉扁舟自在過岸恐盡頭通碧海天疑低
處接銀河湖湘此水畫應少今古君山詩最多樽酒自歌還自
和青霄無奈月明何

陸瑛

浙江嘉定人
岳州知府

洞庭

回首東明小洞庭大觀還此跂滄瀛浮天浴日入百里擊水搏
風九萬程漠漠雲帆鼎江口依依烟樹岳陽城可憐兩地虛符
巴陵縣志 卷之六十四 洞庭集上編 詩 全

竹落日空山含遠情

曠宗舜

醴陵人
解元

戊子秋日過洞庭

浪紋收盡櫓聲柔碧樹參差島嶼浮龍氣忽來三峽雨雁行斜
疊九江秋帆依紅日雲邊去人在光天鏡裏遊千古文章百年
運直從今日化瀛洲

是冬北征再過洞庭

沙際微舒日影柔碧天龍氣午仍浮光搖仙子波中曉木落湘
妃浪裏秋河漢星槎憐獨往江湖歲月幾重游臨風借得君山
笛吹上芳瀛第一洲

林熙春 廣東海陽人
巴陵知縣

泛洞庭湖

澗浦湘江匯楚封汀蘭岸芷極春容銀鋪朗月三千世翠染晴
嵐十二峯樓外醉餘飛獨鶴宮中戰罷舞羣龍誰能入九吞雲
夢日就澄波盪此胸

彭紹文

秋夜泛洞庭

洞庭北匯鏡光浮水鑑南天不見洲遷客幾迴歌去棹君山一
點柱中流夜色明生寒雁渡春融波暖洞龍游獨憐鸞鳳頻翔
集肯為湘江竹上留

巴陵縣志

卷之六十四

洞庭集上編

詩

六

葉觀 直隸江
都人

洞庭湖

雨霽湖湘淨碧空行旌耀日萬山中林花嶺樹增春色縹緲雲
霞是楚宮

吳懋 大理
人

洞庭歌三首

霧髻烟鬟萬古情玉簫瑤瑟暗飛聲曲中莫道無人見也有盧
娘嫁柳生

露白風涼浪不生誰磨一鏡與天平嫦娥似亦憐清影閣住冰
輪不肯行

洞庭湖水接瀟湘兩岸蘆花白似霜天上十分秋月色今宵都
在水中央

薛瑄見本集前

舟發城陵磯

急鼓催舟發依稀見岳陽遠波浮島嶼眾水合岷湘竹瓦橋人
閣杉牌賈客房且看風景異未覺遠遊傷

洞庭湖阻風四首

高秋木落洞庭寬白筆南征使者還蘭若馨香懷澧浦烟霞縹
緲認君山已應湖海添清氣更覺風濤入壯觀枉渚維舟苦留
滯岳陽樓上憶憑欄

巴陵縣志

卷之六十四

洞庭集上編 詩

全

繫舟無奈北風何遺悶還應一放歌日射湖心翻錦浪烟收山
頂露青螺蒼梧水闊秋天遠斑竹雲深暮雨多千載湘纍無復
見欲從何處弔英娥

海內無如此壯游高風木落洞庭秋青山半在波中出白浪渾
如天上流騷思難尋澧浦佩客程頻望岳陽樓江河遠客情何
似浩想希文獨未休

濤聲連日捲銀沙野渚無聊眺望餘數點雲山湖上出一行風
葦岸邊斜老髯難覓仙翁笛白簡還乘使者槎况是中秋明月
夜瀟湘久客正思家

湖中阻風望君山

一望君山咫尺閒不堪連日阻風湍祇愁枉渚維舟楫安得遙
空縱羽翰天地盡應浮海水蓬壺自昔隔塵寰會須掛席過林
麓石磴攀蘿極妙觀

傅爾元 字澹方桐梓人崇禎末拔貢四川提學錢邦芑目為蜀才第二著有居易堂詩集

望洞庭

元氣渾淪疊浪浮洞庭遙接大江流
晴空日射龍蛇伏壯闊風翻鸛鶴遊
帝子南來魂已杳湘妃西望淚難收
不須憑弔當年事飄泊天涯正感秋

國朝

胡天游 字穉威山陰人乾隆元年應博學鴻詞舉三年戊午中順天副榜著有石笥山房集

巴陵縣志 卷之六十四 洞庭集上編 詩 全

洞庭

挂席洞庭上長風吹未休
混茫行白日天地足清秋
不覺回三峽虛無到十洲
生平忠信意扶櫂更夷猶
岳陽城外云野市朝烟外孤城楚水邊微

茫春欲動悵望意俱憐落日收魚稅平湖種蛤田悠悠行客恨更上洞庭船

張維屏 番禺人號南山陳南浦澧選其詩二百餘首題曰聽松廬詩話

洞庭湖大風雪放歌

蜚廉赫怒鞭五丁排山倒海聲
砰鏗巨靈空際一鼓掌忽徙玉
京來洞庭嚴冬水落黃沙積
天意似嫌洞庭窄全湖頃刻堆
琉璃千里空明同一色我疑洞
庭君龍戰東海涯赤龍長驅白
龍北鱗甲萬片隨風飛又疑湘
夫人雲中正沈醉并力亂翦英
瓊

瑤幻作天花散平地層冰壓水勢未休老蛟僵伏征鴻愁紅塵
變滅何足道一夜白了君山頭撒鹽起絮才雖好畢竟纖纖小
言小玉田萬頃盡膏腴炊作瓊漿供一飽党家小兒憨且癡但
解帳底陪妖姬袁家高士頗不俗又苦瑟縮同蚶蜆岳陽咫尺
無多路凌晨跨鶴橫江去純陽老仙當復來不醉茲樓醉何處
書生豪語且勿夸亦勿險韻哦尖叉大河以北百萬家望歲未
免勞吁嗟方珪圓璧天勿惜下尺上尺嘉禾嘉窮民無告收秉
穗富家大吉盈篝車此時對酒歌白雪不憂凍管難生花詩成
雪霽亦快然湘東一角舒紅霞

補

巴陵縣志

卷之六十四

洞庭集上編

詩

全

劉放

史傳放字貢父號公非與兄敞同登慶曆六年進士第官至中書舍人著有彭城集四十卷

和章都官洞庭詩

閱水當閱秋水時洞庭八月爲最宜百川湧溢注平曠倒卷溟
海翻天池瀟湘沅澧紺碧色千里一片青琉璃蜀江亦濁遠不
雜正若黃組縈鑑匣長風簸軒一何壯雪浪成山相蹙移奔霆
擊電恣轟礮素車白馬交橫馳朱垠騁望更無地翼軫落影光
參差南極老人坐盤石赤足皤鬢濯頤修鱗巨鬣出萬族窟
穴鱸鮓泥蛟螭身軀長大竟無益機械利器潛相隨但令漁師
賈餘勇冒突死地常安之巴蛇斷骨不自免此曹么麼何能辭
秦皇屬車八十一赭衣代山豪不羈九疑不到二妃泣聖賢失

勢令人悲憶登洛陽值搖落暮霞新月含風漪古今光景共一
瞬獨繞四壁觀題詩神官威儀髯似戟樓船持楫森畫旗湘靈
奔走伺顏色鼓瑟獻巧招馮夷新篇秀句遠為寄清風白芷叢
余思呼兒疊紙作報語衰老撫事情孳孳

王傅列朝詩集傅字孟陽其先東阿人宋寶慶中沒於西夏元
賜姓唐兀氏父翰用薦至潮州路總管元末道梗浮海至
閩留永福山中為黃冠十年國初有詔徵用恥事二姓自引決
死孟陽生六齡其母手疏先人之蹟與古今豪傑大畧教之弱
冠領鄉薦乞歸養母母歿廬墓六年太祖卽位聘至京待以殊
禮自陳願退處學校卽日詔授國史院檢討充大典副總裁英
國公張輔征交趾奉命參軍在交趾與解縉交好坐縉黨下獄
死縉序其虛舟集云永樂初內外儒臣及四方韋布士以纂修
集闕下數千人求其博洽幽明洞徹今
古學博而思深如孟陽者不一二見

雨中過洞庭

巴陵縣志 卷之六十四 洞庭集上編 詩 全

昨夜南風起洞庭曉來湖上雨冥冥忽看天際驚濤白失却君

山一點青

史謹例朝詩集謹字謹崑山人洪武中謫居雲南與王學士景
陵性高潔耽吟詠工繪事構獨
醉亭賣藥自給以詩畫終其身

宿洞庭廟

山勢如龍入洞庭仙人樓閣俯青冥鐘聲縹渺連三界雲氣蒼
茫護六丁胡蝶夢回山月曉鯉魚風起浪花腥無因得受還丹
術自把長鏡采茯苓

